

# WANTU

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

32 pes

Namba 1023

Wik i stat long Fonde, Febuari 3, 1994.

40 toea

## BOGENVIL HEVI STORI

### ...olpela ami intelijens opisa autim nau

WANPELA buk ol i wokim long Australia long dispela wik i tokaut olsem wanpela grup soldia bilong Papua Niugini i bin les tru long karimaut opresen wok bilong ol long Bogenvil long 1989.

Nem bilong dispela buk ya em "Bogenvil Kempen Dairi." Wanpela olpela Ami Intelijens Opisa nem bilong em Leptenen Yauka Liria bilong Sauten Hailans provins i raitim dispela buk. Leptenen Liria i bin go long Bogenvil long mun Jun, 1989 olsem wanpela Intelijens Opisa wantaim ol soldia bilong Papua Niugini long karimaut opresen long pait egensim ami bilong Bogenvil Revoluseneri Ami (BRA).

Tupela yia bihain long 1991, em i go bek long Bogenvil olsem wanpela komanda. Tasol long nau yet, em i lusim pinis Difens Fos na em bai skul long Yunivesiti bilong Papua Niugini.

Dispela buk Leptenen Liria i raitim i toktok long bikpela pait namel long ol sekjurit fos na ol ami bilong BRA long Bogenvil. Tasol dispela buk i soim tu olsem ol ami bilong Difens Fos i no bin redi long dispela kain bikpela pait taim hevi long Bogenvil i kamap.

Dispela lain soldia em ol i les long karimaut opresen wok Leptenen Liria i toktok long buk bilong em i bin kamap bihain long em i go kamap long Bogenvil long 1989.

"Long wanpela nait taim dispela lain soldia i go raun long wanpela ples klostu long Arawa, ol lain soldia ya i kam bung na tokim komanda bilong ol olsem ol i les long karimaut opresen wok," Leptenen Liria i raitim long buk bilong em.

Mista Liria i tok long buk bilong em olsem komanda bilong dispela lain soldia i bin kalap nogut long harim ol soldia bilong em i tok olsem ol i les long karimaut dispela opresen wok ol i go long wokim.

"Dispela lain soldia i tokim komanda bilong ol olsem ol i laik

go bek long Wewak long neks de. Bikos ol i karimaut pinis tripela mun opresen wok bilong ol. Olsem na ol i laik go bek long Wewak," Leptenen Liria i tok long buk bilong em.

Em nau ol soldia ya i paiarim sot gan bilong ol long soim olsem ol i no amamas long stap long i go moa long pes 3



• Bipo ol i no inap sanap amamas olsem. Bikos oltaim ol i mas tingim laip bilong ol na lukluk nabaut. Tasol nau olgeta samting i orait gen long Buka ailan. *Poto: Aloysius Sami.*

## Wok timba bai bagarapim gutpela nambis long Wewak

CLEMENT MIRIA i raitim

OL kain kain kros bilong ol papa graun i pasim Wong Wong Timber Pty Limited long katim diwai insait long Hawain LFA eria.

Siaman bilong Wong Wong Timber Pty Ltd, Robert Pasu i tok wok long dispela LFA eria inap stat long pinis bilong las yia. Tasol kain kain kros i kamap long ol samting bilong wokim bris bilong sip namel long kampani na ol man bilong ples Wom i pasim ol long wok.

Ol narapela as i pasim wok long Hawain LFA eria long go het em kros namel long ol papa graun, husat bai holim sea, husat bai stap insait long wok bilong kamapim timba na ol senis i wok long kamap long forestri sekta.

Nau yet i gat ol sampela grup bilong ol papa graun i wok long traim rausim Wong Wong Timber Pty Limited long katim diwai long eria ya.

Wong Wong Timber em wanpela hap grup bilong Rimbunan Hijau kampani.

Wong Wong Timber Pty Limited i bin kisim laisens bilong katim diwai aninit long Lokel Forestri Ekt (LFA) long 1992. Ol i givim wanpela envairomental plen bilong ol long Dipatmen bilong Envairomen na Konsevesen long mun Februeri 1993.

Laisens ya i tok olsem Wong Wong bai katim ol diwai inap long 150,000 kubik mita long wanpela yia. Na projek ya bai stap inap long 5-pela yia olgeta.

Ol ripot i kam long Wewak i tok olsem ol papa graun i no laikim Wong Wong Timber Pty Limited long katim diwai long hap bilong ol.

Ripot ya tu i tok olsem dispela kampani ya i giaman tok olsem em bilong ol papa bilong graun long Hawain. Tasol ol hap i stap klostu em bilong tupela papa bilong graun tasol.



*Bos kusai liklik...* Bikpela senis nau bai kamap long Islander Travelodge Hotel long Mosbi. Ol dispela lain wokman i taitim bun i stap bilong wokim wanpela simen banis em bai raunim olgeta Konvesen Senta, ples bilong danis. Dispela i bihainim nupela aidia bilong kirapim The Club em hotel i laik mekim. Olsem na bos bilong hotel, Murray Worthington tu i kusai na laik traim apim ston. *Poto: Rudolf Ayu.*



## COASTER BAS

**EM NAU... NAMBAWAN PMV BAS LONG PAPUA NIUGINI NAU ILUK SMAT MOA!**

**TOYOTA**

PORT MORESBY 229400 LAE 422322 RABAU 921988 MADANG 822188  
GOROKA 721844 MT HAGEN 521888 WEWAK 862255 KAVIENG 942132  
KIMBE 935155 TABUBIL 589060 VANIMO 871254 PORGERA 579367  
ALOTAU : WALTERS WORKSHOP PH 611174

Ela Motors

OLGETA HAP

EM4543 B

# NEC oraitim K8 m baset

NESENEL Eksekutiv Kaunsil i bin oraitim baset bilong Not Solomons provins long Trinde las wik.

Na mak bilong 1994 baset i stap olsem K8,345,349, samting olsem K100 tausen kina tambolo long mani mak provins i bin kisim long baset bilong em long las yia.

Baset ripot i tokaut olsem provinsel baset ya inap long go hetim tasol wok bilong edministresen na sampela ol

progrem bilong stretim ples we ol i kirapim long las yia. Na i no inap long fandim ol planti arapela bikipela wok prosek ol i tingting long kirapim insait long provins long dispela yia.

Ripot i tokaut tu olsem planti wok kamap bilong stretim ples na sindaun bilong ol pipel long Bogenvil bai i no inap long kamap o go gut long wanem gavman i katim baset bilong provins long dis-

pela yia. Tu provins i nidim moa mani long lukautim ol pipel, planti bilong ol i ranawe i kam aut long bus na go long ol kea senta we gavman i lukautim. Provins i mas painim yet dispela mani long narapela hap bilong go hetim ol wok bikos 1994 provinsel baset i no inap long karamapim ol.

Bikipela hap mani bilong Not Solomon provinsel baset i kam long Nesenel gavman

grant na subsidi ol i kolim long Minimum Unkondisenel Gran (MUG). Hap mani i kam long MUG inap long K5,806,100 milien.

Orait, ol mani bai i go aninit long ol dispela seksen i go olsem. Polisi na Edministresen i kisim bikipela hap mani inap long K4,773,313. Restoresen ov Sevisis i kisim K1,192,386 na Edministresen bilong Not Solomons i i go moa long pes 7.

# Ol 17 tausen pikinini statim skul pinis

## VERONICA HATUTASI I raitim

SAMTING olsem 16 tausen komyuniti na 1,800 haiskul sumatin long Not Solomons provins i bin statim skul long Mande.

Sikspela provinsal haiskul long provins husat i op nau em long Hutjena na Tarlena haiskul long Buka, Nissan haiskul long Atols eria, Asitavi haiskul long sentrel Bogenvil na Tonu na Buin haiskul long saut Bogenvil.


Rigu haiskul long sentrel Bogenvil i stap pas yet. Bikos ples i no orait.

Ol sumatin bilong Tonu na Buin haiskul i no skul long asples bilong skul bikos hap we skul i sanap long en i no orait yet. Orait, ol haiskul sumatin bilong Tonu i skul long Konga na ol lain bilong Buin haiskul i skul long Buin taun eria klostu long Buin kea senta.

Ektong bosman bilong ol skul long Not Solomons Aaron Pita i tok long nau, olgeta komyuniti skul long Buka na Atols eria i op pinis. Long Not Is na Not Wes eria, planti skul i op pinis. Samting olsem 6 pela skul long tupela eria i stap pas yet. Bikos long ol dispela eria i no orait gut tumas yet.

Long sentrel Bogenvil, 2 pela skul long kea senta tasol i op pinis. Em long Manetai na Mabiri. Mabiri skul i bin op yet long las yia bilong kisim ol sumatin bilong dispela hap na tu ol manki long kea senta.

Long saut Bogenvil, 7 pela komyuniti skul long Siwai i op, 2 pela long Buin em long Tabago na Piano komyuniti skul wantaim tu ol skul klostu long hap we ol kea senta i stap long en. Foapela komyuniti skul insait long Nagovis eria bai i op tu long dispela yia.



• Insait long haus kot, ol sumatin i sindaun na harim ol toktok.

## Soldia bilong Moem dai

OL I TOKAUT pinis long nem bilong wanpela difens fos soldia husat i bin dai bihain ol lain rebel paiman bilong Bogenvil Revoluseneri Ami (BRA) i kilim em long las Sande.

Daiman em David Ausel, wanpela difens fos praivet long Moem Bareks long Wewak. I kam inap em i painim dai bilong em, em i bin wok long Bogenvil. David em i kam long ples Rei long Manus provins.

Ripot i kam long opis bilong praim minista i tok ol lain BRA i bin kilim dai soldia ya long taim em i slip yet long Sikorewa kea senta klostu long Panguna. Ol lain paitman i bin mekim ol soldia i kirap nogut long taim ol i pait na sut nabaut insait long kea senta.

Ripot i tok tu olsem ol lain BRA i kilim dai dispela soldia em ol sem lain husat pastaim ol i givim ol yet long han bilong ol sekyuriti fos long hap.

Wanpela BRA memba tu i bin dai long dispela birua. Na ol arapela poroman bilong em i ranawe i go long ol bus klostu bihain long ol soldia i sut bek long ol.



• Ol lain sumatin bilong Hutjena haiskul i go insait nau long haus kot bilong lukim wanem samting i save kamap long hap.

# Provins wetim yet namba wan hap skel

## Ol ripot bilong Bogenvil ailan long dispela wik

NOT SOLOMONS provinsel edministresen i kisim taim nau bikos ol i no kisim yet namba wan kwata alokesen bilong dispela K10 milien baset mani bilong dispela yia we nesanel gavman i katim bilong suspended Not Solomons provinsel gavman.

Olsem ra ol i wari bikos planti long ol wok prosek bilong stretim ples na sindaun bilong ol pipel bai i no go gut. Na ol i gat dinau yet we ol i mas stretim wantaim long ol helikopta na siping kampani

husat i helpim long kisim ol kaikai, marasin na ol arapela gavman sevis i go long planti hap bilong ailan. Tu ol i gat dinau wantaim long sampela kampani insait long Rabaul na Buka long mekim wankain wok. Na ol i wetim mani long nesanel gavman bilong stretim ol.

Ripot i kam long opis bilong edministretiv seketeri long Buka i tokaut olsem hevi long ol i no kisim mani hariap i stap long Dipatmen bilong Fainens long Mosbi husat i

lukautim mani bilong mekim ol wok long Bogenvil. Tasol ol i ting bai ol i kisim dispela mani long sampela taim bilong dispela mun.

Wok bilong putim ol nupela oda long ol samting we ol kea senta pipel i nidim i no inap long go het long dispela taim inap long taim inap gavman i givim mani bilong stretim ol dinau bilong las yia i go long ol helikopta na siping kampani husat i bin helpim long karim kaikai, marasin na ol arapela samting

bilong ol kea senta pipel.

Ripot i tok i kam inap nau, suspended Not Solomons provinsel gavman i gat yet samting olsem K500,000 tausen long dinau mani i go long Pasifik Helikopta kampani long ol wok kampani i mekim long kisim sevis i go long ol pipel, kea senta na ol arapela wok insait long restoresen progrem long ailan.

Ripot i tok tu olsem long namel bilong mun, kea senta edministresen bai i nidim

mani long lukautim ol kea senta pipela insait long sentrel na saut Bogenvil. Moa long 32,000 pipel i stap yet long ol kea senta long hap. Planti pipel insait long sentrel Bogenvil, Nagovis na Siwai i ranawe lusim bus na kam long ol kea senta we gavman na ol sekyuriti fos i lukautim.

Ripot i tok Not Solomons provinsel edministresen i amamas long gutpela sevis na helpim ol helikopta na siping kampani i givim long dispela taim.

# PLIS RIPOT



**KIUNGA, Westen:** Kiunga Distrik Kot bin salim tupela man i go kalabus wantaim bikipela mekim save long haitim spakbrus insait wantaim ol samting bilong ol. Na tu long smokim dispela smok nogut.

Mejistret Jeff Katenge i bin salim Simon Mondo husat i gat 32 krismas bilong ples Namfayufa long Simbu provins i go kalabus long wanpela yia wantaim bikipela mekim save bikos em i rong long haitim smok nogut long haus bilong em na long wankain taim tu, long kisim dispela smok.

Poro bilong em, Michael Thomas husat i gat 18 krismas, bilong Balimo na Wabeg bai go kalabus inap long 6-pela mun wantaim bikipela mekim save.

Long taim ol plis i banisim wanpela haus long Kiunga, ol i painim ol karamap mariwana, tupela rol smok mariwana em ol i no smokim yet. Hevi bilong ol em inap long 700 grems.

Plis i bin holim tu tupela meri long taim ol i banisim dispela haus long Kiunga. Ol bai sanap long ai bilong kot long Mas 15.

Long kot, Mondo i tok olsem wanpela poro i bin givim em mariwana long Goroka ples balus. Na ol narapela lain olsem Thomas i bin kisim mariwana bilong ol long traime smokim. Thomas i tokim kot olsem em i tru long em i smokim mariwana.

**LAE, Morobe:** Plis long Lae i bin holim wanpela man long Mande las wik bihain long em na narapela man i laik traime stil long Mobil Sevis Stesin long Makam Rot.

Man ya em Napoleon Ririka ples Puin insait long Oro provins. Plis i tok Ririka em i wanpela long ol lain husat i bin brukim Sullivans stua long Lae las yia na stilim mani inap long K39,000.

Ol bin holim tu William Kunda bilong Buni insait long Madang provins long dispela taim.

Bos bilong Lae Metropolitan Plis, Alfred Reu i tok ol i sasim tupela man ya long traime long stil.

Long las wik Fraide tu, plis i bin holim Steven Warapen, wanpela man husat i wok long ranawe lusim ol haus kalabus inap long wanpela wik.

Warapen i gat nem olsem hapman bilong ranawe long kalabus. Long ol pas em i raitim i go long plis, em i tok em i laik bai ol i givim em tupela wik bilong painim gutpela loya long sanap makim em long kot. Na em i no inap long wokim ol pasin nogut olsem long bipo bikos em i tanim bel pinis na kamap wanpela Kristen man nau.

Mista Reu i bin tok long taim plis i bin holim Warapen, ol i painim wanpela gan wantaim ol katres. Em i rong long dispela na ol i sasim em na salim em i go bek long Lae Buimo haus kalabus.

**MOSBI, Nesenel Kapitel:** Tupela man i bin kamap long ai bilong Boroko Distrik Kot long sas bilong kilim dai narapela man long Saraga setelmen long Krismas nait.

Tupela man ya em Anton Wai husat i gat 26 krismas bilong Suave long Simbu provins na Michael Loupana bilong Nambayufa insait long Isten Hailans provins.

Stet witnes i tok dThomas Kapa i bin dai bihain long em i lusim planti blut long bagarap bilong naip em i kisim taim em i pait wantaim tupela man ya. Tupela man ya bai sanap long ai bilong kot gen long sampela taim bihain

**BUKA, Not Solomons:** Buka Distrik Kot i sasim wanpela man long draivim ka na i no gat registresen namel long Buka na Hutjena rot. Na kot i makim em long peim K250 o go kalabus inap long tupela mun na tupela wik.

Man ya em ISamson Nathan bilong Buka Ailan husat i wok olsem wanpela mekanik wantaim Difens Fos Ensineriing yunit long Buka.

I go moa long pes 7

## Stori bilong Bogenvil stap long buk

**1 kam long pes 1** Bogenvil. Na karimaut opresen wok long nait egensim ol ami bilong BRA. Long buk bilong em, Liria i tokaut tu long komanda bilong dispela lain soldia i kisim helpim long komanda husat i bosim olgeta soldia long Bogenvi. Long nait nau bikbos i go aut na tokim ol soldia ya long no ken kamap wantaim tingting bilong go bek long ples. Bikos dispela bai daunim nem bilong grup bilong ol.

"Mi askim yupela long stap long hia long narapela 7-pela moa de. Yupela i no ken bagarapim nem bilong dispela grup. Yupela bai karim aut opresen wok long tumora?" bikbos i askim ol.

"Nogat," olgeta i tokaut. I no longtaim na dispela lain soldia i lusim Bogenvil na go bek long Wewak. Na narapela lain soldia i kisim ples bilong ol.

Dispela samting em i wanpela bilong planti samting i stap insait long buk bilong Leptenen Liria. Dispela samting i toktok long wanem kain, hevi, tingting na samting ol soldia i painim taim ol i stap long Bogenvil na karim aut opresen wok.

Yauka Liria i tok em i no raitim dispela buk long bagarapim wanpela man o meri. Tasol long mekim ol pipel long Papua Niugini na ol politisen i luksave long wanem samting ol soldia i mekim, pilim na painim long bikpela opresen wok long Bogenvil.

"Dispela stori mi tokaut long en i bin kamap tru tru," Leptenen Liria i mekim dispela hap tok long Mosbi long dispela wik.

"Mi ting dispela i moa gutpela. Bikos dispela bai mekim ol opisa i save long ol samting na disisen em ol i wokim. Mipela i ken wokim planti disisen em i no gutpela na tu wokim planti samting i no gutpela."

Liria itok. Leptenen Liria i tok Papua Niugini em i wanpela liklik kantri. Na mipela i gat planti mani, taim na laip bilong ol ol yangpela man em ol i karim aut wok long daunim kain hevi olsem long Bogenvil i bikpela samting. Na ol lain husat i mekim wok bilong lukautim mani na ol man husat i mekim wok i mas wokim wok bilong ol long stretpela na gutpela rot.

Wanpela man husat i wanpela gutpela soldia long Bogenvil em Mesa Gerry Singarok. I no longtaim em i bin kisim namba olsem Leptenen Kolonel.

"Taim mipela i stap long Bogenvil na harim olsem Mesa Singarok bai kam olsem Operesen Opisa bilong mipela, planti bilong mipela husat i save long em i bin amamas nogut tru. Bikos mipela i save olsem em i wanpela gutpela soldia husat i save kirapim tingting na tu givim strong long ol man," Liria i tok long buk bilong em.

Em i tok taim ol i go long Bogenvil, ol i ting olsem ol bai daunim ol ami bilong BRA. Tasol tingting ol i gat long en i kamap narakain. Ol ami bilong BRA i sut long ol long sot gan na ranawe i go. Mipela i pilim olsem mipela i no inap long pait egensim ol. Bikos ol trening em mipela i bin kisim i no gutpela na i no helpim mipela long pait egensim ol BRA.

Liria i tok klostu ol i kisim ol lokol pipel long sentral Bogenvil i kam insait long sait bilong gavman. Tasol sampela pasin nogut bilong sampela soldia wantaim ol opisa bilong ol i daunim dispela gutpela hatwok bilong ol. Na planti lokol pipel i egensim ol.

Em i tok taim ol sekyuriti fos i lusim Bogenvil long 1990, ol ami bilong BRA i bagarapim planti pipel long Bogenvil.

# Islander Travelodge senisim gen stail

DANIEL MONA i raitim

KONVENSEN Senta bilong Islander Travelodge i mekim wanpela nupela senis we bai i ken givim gutpela'ples bilong amamasim ol manmeri.

Dispela senta em planti taim ol grup i save holim ol bung, pati na tu ol i save-yusim long putim danis bilong kisim mani em.

Long dispela yia, ol lain i save go long danis long hap bai lukim olsem i gat planti senis. I gat ol nupela kala lait ol i putim na i nambawan tru long PNG. Ol kala lait i kos K60,000 na dispela bai kamapim gutpela lait long senta we ol manmeri bai kisim gutpela taim. Na tu ol i putim simen banis raunim hotel ya long ol pairap bilong i no ken go ausait long rot na ol manmeri i ken stap long ol yet insait.

Islander Travelodge long aste i kamapim wanpela nupela we bilong ol grup husat i save yusim

sentanya. Dispela nupela wei ol i kolim Klab bai op long olgeta kain grup. Ol lain husat i stap aninit long klab bai kisim diskaun long 15 pe sen long ol bikpela danis na pati bai kamap long hap na planti moa. Ol bai opim dispela klab long Fraide apinun.

Dispela klab i kisim planti sapot i kam long ol Sotel, Spots na ol Charity ogenaisesen na planti bilong ol i rejista pinis.

Planti taim bipo ol grup i save mekim ol wok bilong fan raising i no save kisim winmani olsem ol i laikim.

Sapos ol i joinim klab, hotel yet bai lukautim kos bilong ples bilong danis, ol yet bai painim musikman, Sekyuriti, Leit Laisens Fi, hotel yet bai salim toksave olsem kain samting olsem bai kamap na tu ol yet bai ol salim tiket. Dispela bai mekim na ol ogenaisesen na ol klab husat i rejista pinis bai no nap lusim nating mani.

Sapos yu laik save long sampela moa samting orait yu ken ringim Jenny Lemeki husat i Sales Menesa bilong Islander Travelodge.



• Bos bilong Islander Travelodge Hotel long Mosbi, Murray Worthington i skruim sampela moa toktok long ol niusman. Long arere em Sels Menesa bilong em, Jenny Lemeki na ripota Frank Kolma.

## Ol siosmeri bilong PNG na Solomon Ailan toktok long yia plen

VERONICA HATUTASI i raitim

WANPELA bikpela bung bilong ol mauseri bilong 7-pela lotu long kantri i bin kamap long Mosbi.

Dispela bung i stap inap long wanpela wik. Ol i toktok long 5 yia ekumenikal plen bilong ol wokmeri bilong sios long PNG na Solomon Ailans. Na tu long rot em ol i mas bihainim long mekim gut wok bilong ol insait long ol komyuniti, ol ples na kantri.

Dispela bung i bin kamap long hap bilong Salvesen Ami long Koki, stat long Mande, Janueri 24 na pinis long de namba 28.

Samting olsem 20 wimens lida bilong lotu Katolik, Engliken, Yunaited, Evanjelikal na Gutnius Lutheran Sios na Salvesen Ami husat i makim Is Nu Briten, Morobe, Sauten na Westen Hailans na Sentrel provins i bin kamap long dispela bung. Komiti i lukautim sia bilong ol meri long Papua Niugini Kaunsil bilong ol Sios (PNGCC) i bin go pas long dispela woksop.

Hom Afeas ministra Andrew Posai, husat i lukautim tu wok bilong ol meri i bin strongim ol meri long helpim ol i ken kisim long liklik dinau skim bilong Egrikalsa Beng. Nesenel gavman i skelim pinis samting olsem K2.5 milien long 1994 baset

bilong dispela. Ol liklik grup olsem ol meri na ol yut i ken aplai long kisim dispela mani bilong kirapim na strongim ol wok prosjek long ol komyuniti na ples.

Long baset bilong dispela yia tu, ol meri i no bin kisim bikpela mani tumas. Nesenel Kaunsil bilong ol Meri (NCW) i makim olgeta meri long kantri i bin kisim tasol K100,000 long mekim wok bilong en. Na dispela kain mani i no inap long helpim olgeta grup bilong ol meri insait long kantri.

Mista Posai tu i no amamas long dispela na em i tok long em bai painim rot bilong kisim moa mani bilong helpim ol meri.

Bosmeri bilong NCW, Dame Josephine

Abaijah i bin strongim tu ol meri long strongim wok bilong ol namel long ol wanlain bilong ol long ol komyuniti, ol ples na kantri. Em i strongim ol long wokbung wantaim NCW long kamapim gutpela sindaun bilong ol meri na famili.

Tupela wik i go pinis, ol meri bilong Yunaited Sios i bin kamap memba bilong NCW. Na Misis Abaijah i givim bikpela amamas i go long ol. Nau em i singautim tu ol narapela asosiesen bilong ol wokmeri bilong sios long bihainim wankain rot ol meri Yunaited Sios i bihainim sapos ol i laik.



# WANTOK PNG lusim gutpela man

## Wes Sepik welpam projek

Ol pipel bilong Aitape, Vanimo na ol arapela ples olsem long Malol, Sera, Sissano na i go olsem i mas tingting gut nau long bikpela wok projek em bai kamap long graun bilong ol.

Long dispela wik tasol, bikpela bung i bin kamap long Aitape namel long ol bikman bilong gavman, ol papa graun wantaim ol lain bilong kampani. Tasol no gat planti nius bilong dispela bung i kamap.

Ol pipel bilong dispela hap i mas luksave gut long wanem samting bai kamap long graun bilong ol. Long wankain taim, i mobeta ol i tokim kampani long tok klia long wanem rot em i laik bihainim long klinim ples na rausim ol pipia (diwai tu ating?) nau i stap bilong redim graun bilong planim welpam.

Ol i no ken stap tasol na larim kain samting olsem minista i laik wokim bilong salim wanpela hap graun long Galp provins.

Olgeta samting i stap long dispela hap graun i bilong ol pipel, olsem na ol bikman na opisa husat i laik toktok i mas tingting gut.

Ating i mobeta tu olsem ol lain bilong Fores yet i mas mekim ol wok painimaut bilong sekim gut ol samting. Em i no gutpela long kisim wanpela arapela bisnis grup olsem ol konsalten bilong mekim wok. Bikos gris bilong mani inap win long las minit.

MAN planti bilong yumi long Papua Niugini i save long em olsem papa bilong lo insait long kantri i dai pinis long Sande, Janueri 30.

Sir Buri Kidu, olupela sief jastis i dai long Mosbi haus sik bihain long em i kisim sik long lewa bilong em. Sir Buri i bin pundaun na hap indai taim ol i kisim

em i go long haus sik. Tasol long 6 klok, ol dokta i tokaut olsem em i dai pinis.

Sir Buri em i namba wan man Papua Niugini yet long kisim wok olsem Sief Jastis. Taim em i kisim dispela wok, em i gat 35 kris-mas tasol na insait long wol, em i yangpela man tru long holim

dispela wok. Pastaim long em i kisim dispela wok, wanpela waitman i bin mekim.

Sir Buri Kidu i bin kisim dispela wok long 1980 na i holim i stap inap long las yia taim em i pinis na namba tu bilong em, Sir Arnold Amet i kisim wok.

Mama i bin karim em long 1945 long ples

Vairaram klostu long Pari ausait long Mosbi. Em i go skul long planti komyniti skul na bihain em i go long larowari haikul we em i winim skolasip bilong go wokim gret 11 na 12 long Toowoomba haikul long Kwinslen, Australia.

Em i kisim digri bilong em long lo long Yuni-

vesiti bilong Kwinslen long 1970 na kam bek long Papua Niugini wantaim meri bilong em Carol, wanpela pikinini em i lukautim Buri, na pikinini meri Dovi.

Sir Buri i wok olsem wanpela ligel opisa bihain long em i kamap olsem namba wan kraun prosekyuta. Long 1975, em i kamap olsem namba wan kraun solisita. Long 1979, em i kamap Seketeri bilong Jastis na namba wan ligel edvaisa bilong Nesenel Eksekyutiv Kaunsil long 1979. Em i kamap Seketeri bilong Dipatmen bilong Praim Minista long dispela taim tu. Na long 1980, em i kamap Sief Jastis bilong Papua Niugini.

Planti bikman i lukim olsem Papua Niugini i lusim wanpela gutpela na stretpela lida husat i save daunim em yet na wok hat olsem olgeta manmeri insait long kantri i mas kisim gutpela sindaun.



• Olgeta pren, wanlain, wanwok na kain kain manmeri i bung wantaim famill bilong Sir Buri long tok gutbal long em insait long haus lotu.



• Taim bilong karim nau bokis matmat bilong Sir Buri i go insait long haus lotu bilong wokim las misa long em.

Ol wanlain bilong em long wok bilong lo i tok, "Mipela i lusim wanpela saveman bilong lo em Papua Niugini yet i kamapim."

Planti bikman, ol memba bilong Paliament na ol pipel i bin kamap long lotu bilong em long Tunde long givim bel sori bilong ol i go long famili bilong em.

Sir Buri i lusim mama bilong em husat i gat 80 krismas, meri bilong em wantaim 6-pela pikinini na planti Papua Niugini manmeri husat i laikim wok em i save mekim na tingting bilong em.

## WANTOK

NIUSPEPA BILONG OL PAPUA NIUGINI STREET

P.O. Box 1982 BOROKO  
Telepon Namba: 25 2500  
Feks Namba: 25 2579

### PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

## BIABIA GO DRING LONG HAUS BILONG PORO BILONG EM...



## WANTU BIABIA KISIM STON NA KILIM INDAI RAT, YAH...



## OL IDRING I STAP NA WANPELA RAT I RON I KAM AUSAIT...



## NAU PORO BILONG EM KIRAP NA ASKIM BIABIA LONG KOMPENSA ON LONG RAT, YAH...



• Meri bilong Sir Buri wantaim wanpela gutpela pren i go insait nau long haus lotu bilong wokim las misa long aste. Bikpela lain manmeri na pikinini tru i bin kamap long dispela lotu. Na rot tu i pas olgeta long Mosbi. Ol foto: Ivan Bayagau.



## TU MINIT TINGTING

### OL TRI I WANKAIN OLSEM OL MANMERI

PROFET Aisaia i bin rait olsem long sapta 65, ves 22: "Ol yia bilong ol tri, ol i wankain olsem ol yia bilong laip bilong mi."


Tude yumi laik soim olsem wanem na ol tri i wankain olsem ol manmeri. Ol tri i save kamap long wanpela liklik sid; em i save gro na karim plawa na prut. Na bihain em i save dai, na i save sting, na tanim bek gen long graun. Em tasol i stori bilong laip bilong yumi manmeri, tu.

Long Baibel, stat long ol tri bilong gaden paradais long Jenesis i go inap long las buk Revelesen, i gat tok na stori bilong ol tri moa long 300 taims. Long Buk bilong ol Jas o hetman 9:8-15, i gat wanpela naispela stori long wanpela tok pait i bin kamap namel long ol diwai. Hia pasin pait bilong ol tri i makim pasin bilong yumi stret.

Long Nupela Testamen, Jisas

yet i stori long katim daun tri nogut, na bilong skelim gutpela tri long prut bilong em. Jisas i lukim Sakias insait long wanpela tri. Em yet i bin pre long gaden bilong ol tri oliv. Na Jisas i bin dai long wanpela tri, em diwai kros.

Sapos yumi planim wanpela tri bilas long ples o long gaden, yumi save lukautim em gut. Olsem tasol yumi mas lukautim yumi yet. Yumi save planim tri long wanpela spesel ples we i gat san na spes bilong gro. Long laip bilong yumi tu, yumi mas sanap long lait bilong God; na yumi mas fri long gro. Yumi save strongim yangpela tri wantaim ol sut bai win i no inap sakim na krungutim na kapasaitim em. Ol manmeri i save mekim wankain wok long laip bilong yumi, em ol gutpren i save sambai na sapotim yumi na strongim yumi long taim



FRANK MIHALIC i raitim

samting nogut i painim yumi.

Sampela taim han bilong tri i bruk, o busnaip o tamiok i katim em. Sampela taim fama i save katim skin bilong tri, bai em i ken karim moa kaikai. Long laip bilong man tu i wankain. Ol pen

na wari na sori i save strongim yumi bai yumi inap kamap gutpela manmeri moa. Sapos tri i gro nating, em i save gro hariap na karim ol lip tasol; kaikai, nogat. Bilong dispela na didiman i save katim nabaut skin bilong mango o kain tri olsem.

Nau em i mas wok long karamapim ol sua na em i no inap resis long gro nating tasol. Dispela ol sua i helpim em long karim prut. Long laip bilong yumi tu, ol taim bilong pen na wari na sori ol inap helpim yumi kamap manmeri i karim kaikai long spirit bilong yumi.

Tri na diwai em i pren bilong yumi. Long wanpela gaden long biktaun Sevill long kantri Spen, i gat wanpela sain i sanap klostu long wanpela naispela tri. Dispela sain i tok olsem: "Yupela ol manmeri, yupela i no mas mekim nogut long mi. Mipela

diwai i save hatim paia long haus bilong yupela long taim bilong kol. Ol lip bilong mipela i save hatim yupela long san. Ol prut bilong mipela i save givim gutpela kaikai na switpela dring long yupela.

"Mipela diwai mipela em i ol balken na sisis na sapanil i holim haus bilong yupela. Mipela i plang bilong tebol bilong yu, na bilong bet bilong yu. Mipela i timba i wokim ol kanu na bot bilong yupela. Mipela diwai i givim handel long tamiok na haphap na savol bilong yupela. Mipela i wokim dua bilong haus bilong yu. Mipela i givim plang bilong wokim bokis matmat bilong yupela.

"Long taim yupela i go pas long mi, yupela i mas larim mi i sanap i stap; yupela no ken nogutim mi. Mi pren bilong yupela."

# Nupela pater bilong Madang gat namba

BEN TAUMAI i raitim

MADANG Asdaiosis bai gat wanpela moa lokol pater long Fraide taim Diken Cherubim Kale Lai bai wokim las promis bilong em long Holi Spirit haus lotu.

Taim bisop i givim blesing long Diken Lai pinis, em bai apim namba bilong ol lokol pater i go antap long 9-pela.

Ol sampela lokol pater em Pater Tobias Malagen husat i kamap pater long Desemba 14, 1976, Pater Ferdinand Kawai long Novemba 22 1983, Pater Joseph Yakawa Januery (10, 1991), Pater John Mala (Novemba 22, 1992), Pater Alois Bedum (OFM) Disemba 1992, Pater Caspar Akura Januery 10, 1991, Pater Gregory Tiani Januery 8, 1989 na Pater Henry Tapi (OFM).

Diken Lai em i bilong Raikos long Madang na Simbu. Em i gat 30 krismas.

Diken Lai i tok ol i salim pinis 2000 askim pepa i go long ol manmeri bilong kamap long dispela de. Ol dispela lain bai kam long olgeta hap bilong kantri na olgeta kona bilong Madang.

Taim Lai i liklik yet na i gat 4-pela krismas, em i bin gat bikipela tingting tru long Jisas na i save laikim em. Na tu em i laikim olsem taim em i dai, em i mas go long heven. Dispela i bin helpim em tru long skul bilong em long praimer i go inap long haikul.

Long wanpela taim, Lai i save lusim papamama bilong em na go lukim Pater Morrin (SVD) long taim em i liklik boi long Mulumiang ples. Long dispela taim, papa bilong em i wanpela katekis.

Em i go lukim Pater Morrin na nildaun long lek bilong em na tok, "Pater, yu blesim mi na bai mi kamap pater long bihain taim."

Pater Morrin i harim pinis na bihain i beten wantaim Lai na mekim mak bilong kruse long poret bilong Lai.

Planti yia i go pinis na mama bilong em i save askim em sapos em i lus tingting pinis long dispela wok em i laikim tru na laik kism narapela wok.

Lai i gat bikipela laik tu long kamap dokta o pailot long taim em i stadi long Katolik haikul na ol i kolim

Divain Wod Institut.

Taim em i pinisim gret 10 bilong em, Lai i go long skul gen long Sen Fidelis koles. Na dispela i kirapim tingting bilong em long kamap pater.

Long 1982 na 1983, Lai i pinisim gret 11 na gret 12 bilong em long dispela maina semineri.

Bihain long dispela, em i go long Bomana semineri na greduet long 1986 wantaim diploma long rilijes stadi.

Long 1987, em i tisa long Sen Fidelis koles we em i bin wokim pastorel wok bilong em tu. Bihain em i go bek long Bomana na greduet wantaim diploma long Tiologi.

Lai i raitim wanpela ripot long 1990 long Sios na Ekenomik Developmen na i greduet B.A long Tiologi wantaim honas.

Dispela awot em i namba wan long ol semineri bilong Madang na Momase rijon tu.

Lai i tok olsem em i laik kamap tisa tru na em bai amamas sapos bisop i salim em i go stadi gen long saens na tiologi.

"Nau yet mi laik kamap pater bikos mi redi pinis long holim dispela wok," em i tok.

## Ol sister long Bogenvill kism skul bilong stretim hevi



• Ol sister bilong Bogenvil i sindaun paitim toktok nau long wanpela grup long taim ol i wok long kism skul long pasin na rot bilong stretim ol hevi insait long komyuniti bilong ol. Wanpela sios woka bilong Faundesen bilong Pls, Lo na Jastis i bin go pas long dispela kos.

MARY RAFON i raitim

OL lida, ol wimens grup wantaim ol yut insait long not wes Bogenvil i bin sindaun long wanpela kos bilong Konplik Resolusen. Kos i bin kamap long 12 Januery na i pinis long 23 Januery, 1994.

Dispela em i namba wan taim bilong kain kos olsem long kamap long Bogenvil. Bruder Patrick Howley bilong Faundesen bilong Lo Oda na Jastis long Mosbi i bin ranim dispela kos.

I gat 6-pela moa wankain kos bai kamap insait long not Bogenvil na Buka. Dispela kos em i bilong skulim ol manmeri long wanem samting bilong mekim long stretim ol hevi na wari insait long komyuniti namel long ol pipel.

Ol sister insait long Bogenvil i bin kism dispela

kos na save mekim kain kain wok namel long ol yet na ol pipel ol i wok wantaim. Sampela kain wok ol sister i mekim em olsem ol nes, ol tisa na ol arapela pastorel wok.

Dispela kos i bin helpim ol sister long luksave long ol yet na long ol narapela long kamapim gutpela sindaun insait long komyuniti.

Kos i gutpela long helpim ol pipel husat i gat wari long ples, namel long famili na insait long komyuniti. Kos i bilong helpim ol manmeri long stretim ol kain kain wari na tu i gutpela tru long ol lida bilong ples o komyuniti bilong helpim ol long holim kain wok olsem ol viles lida.

Dispela kos i bin kamap long Chabai Katolik misin stesin long not Bogenvil. Long olgeta de, kos i save stap inap long 5-pela awa insait long 10-pela de.

# PLIS RIPOT



1 kam long pes 2

Plis i bin holim Nathan taim ol i banisim rot long Hutjena plis stesin na painimaut olsem ka em i draivim i no gat rejistresen na tu em i no gat insurens na namba plet long en. Dispela samting, kot i tok, i brukim trefik lo bilong PNG na ol i sasim Nathan.

Nathan i bin tokim kot olsem em i wok long testim dispela ka long taim ol plis i holim em long Hutjena.

Tasol bihain long kot i skelim ol toktok, ol i painim olsem Nathan i rong bikos em i no putim wanpela mak bilong soim olsem em i wok long tram ka.

**NAMATANAI, Nu Ailan:** Stap na sindaun long liklik taun bilong Namatanai nau i no gutpela tumas. Bikos long planti pasin nogut ol raskol grup i wok long mekim long pretim, hensapim na stilim ol mani samting bilong ol narapela man.

Long las wik Fonde, 7-pela man nogut i bin sutim tupela plisman long Namatanai wantaim naip na kamapim bagarap long bodi bilong ol.

Sevenpela man ya i bin holim ol long helpim 4-pela poro bilong ol i ranawe long Namatani plis stesin.

Long nau, ol pipel bilong Namatanai taun i laikim plis long wok strong na holim ol lain nogut husat i pretim ol na kamapim planti pasin nogut long taun longpela taim nau.

Plis ripot i tok ol plis long Namatanai i no gat ol gutpela samting bilong helpim ol long wok.

Ol man nogut ya i bin pairim gan i go long plis stesin bilong helpim ol poro bilong ol i ranawe. Bihain ol i katim lok long dua bilong haus kalabus na ranawe wantaim 4-pela pren bilong ol.

Plis i tok ol dispela lain man em ol lain nogut stret husat i kamapim planti trabel long Namatanai. Na long planti taim pinis, ol i ranawe long haus kalabus.

Tasol ol plis i holim gen dispela 4-pela man bihain long ol i stilim mani bilong wanpela ambalens draiva inap long K2,000.

Long nau, Namatanai plis wantaim sampela memba bilong Kavieng plis i wokbung bilong tram daunim hevi bilong lo na oda em i wok long kamap bikpela long ailan bilong ol.

## NEC oraitim K8 m baset

i kam long pes 2  
kism K2, 379,650.

Bikos long mani i sot, sait bilong stretim ol haus, bris, rot na ol bikpela wok olsem i no kism fanding long en. Tasol ripot i tok ol dispela eria bai i kam aninit long fanding bilong restoren prosek na progrem we gavman i tok orait pinis long givim K5 milien bilong mekim dispela wok. Orait, sekyuriti fos operesen long Bogenvil bai i kism narapela K5 milien long mekim wok bilong ol long ailan. Dispela mani em i hap bilong K10 milien kina gavman i aloketim i go long baset bilong Not Solomon long dispela ya. Bikos 1994 baset i no inap long

karamapim prosek fanding, mani bai i mas kam yet long sampela hap bilong go hetim ol wok na stretim sindaun bilong ol pipel long ples. Provins tu i no inap yet long kamapim mani bilong em. Bikos planti ol wok mani na bisnis long ailan i no kirap yet.

Baset ripot i tok tu olsem gavman i luksave long bikpela wok bilong ol Interim atoriti long ailan olsem ol lokal level gavman. Na em i givim samting olsem K180,000 i go long ol wan wan long ol senvenpela interim atoriti long ailan long go hetim wok bilong ol yut, meri na ol arapela wok prosek olsem aninit long lukaut bilong ol.

## Ripot kliaim tok bilong 2 pesen takis

BIHAINIM singaut bilong nesanel gavman long skelim provinsal sels takis long olgeta provins i stap long wankain mak olsem long tu pesen, Lae Semba bilong Komes i bin kisim planti askim i kam long pablik husat i laik kisim kliapela toktok long dispela samting.

Deputi provinsal seketeri bilong Morobe, Manasupe Zurenuoc i tok gavman bilong em i warbel wantaim tingting bilong nesanel gavman long makim wankain takis long ol samting i go kam insait long provins. Wankain tu long ol sevis insait long provins. Ol i kolim dispela takis ya long guds

# Baket toilet bringim moa hevi

**BEN TAUMAI i raitim**

WANPELA pablik sevan long Madang i laikim nesanel Minista bilong Helt long tambuim olgeta taun kaunsil long no ken putim baket bilong ol manmeri long yusim long ol toilet.

Bikos dispela ol baket i ken kamapim sik. Na sik i ken bruk go long ol manmeri na pikinini sapos pekpek i pulap

na ol wokman i no rausim baket hariap long toilet.

Dispela pablik sevan i no laikim Wantok Niuspepa i kolim nem bilong em, na em i tok dispela em i wanpela bikpela samting tru. Na Helt minista i mas lukluk long dispela hevi.

Dispela pablik sevan i tok wanpela taim toilet bilong sampela lain em ol i stap klostu long em i bin pulap. Na dispela i pulim planti lang

i kam pulap long toilet. Na i wok long plai nabaut long hap klostu long toilet. Mekim na em wantaim famili bilong em i kisim bikpela sik.

Em i tok tu olsem dispela i no namba wan taim long em wantaim famili bilong em i kisim sik. Wankain samting i bin kamap pinis bipo.

Em i laikim olsem Helt minista i mas lukluk long dispela hevi. Na putim wanpela lo long olgeta haus insait long

olgeta provins long yusim ol septik toilet.

Taim Wantok Niuspepa i askim Madang provinsal he t inspekta Philip Posanau, em i tok hevi dispela pablik sevan i toktok long en i tru na i bikpela. Bikos dispela i ken kamapim sik long ol manmeri na pikinini.

Mista Posanau i tok wanpela bikpela sik em dispela samting i ken kamapim em pekpek wara.

## Ol Koiari sapot long skruim mak

OL pipel bilong Koiari bai sapotim ol pipel bilong Tubusera long ol toktok bilong surikim boda mak bilong Nesanel Kapitel Distrik. Dispela em provinsal memba bilong Sogeri Veli Mista Bagua Watti i tok.

Mista Watti i tok ol pipel bilong em bai surikim mak bilong ol long 12 mail i go long mak bilong em stret long rotbung bilong Sogeri na Hiritano Haiwe i tanim.

Bilong wanem na ol i mekim olsem em ol lain skwata setelmen i wok long hait aninit long graun bilong N.C.D na surik i go insait long graun bilong ol na wokim gaden tu.

Em i tok ol bai surikim Laloki bris long Hiritano Haiwe i go bek long ples bilong em na dispela bai suvim ol skwata long go bek long graun bilong N.C.D.

"Dispela nau bai hevi bilong gavman long painim graun bilong ol skwata ya long sindaun."

## Bikman singaut long glasim gut ol tisa

**SAPE METTA i raitim**

WANPELA olpela provinsal lida i laikim lsten Hailans Edukesen opis long sekim gut olgeta skul long provins pastaim long lukim olsem olgeta tisa i stap bihain long ol i

givim fri eduksen mani i go long ol skul.

Yawa Silupa bilong Lufa i tok ol bikpela distrik long provins olsem Lufa, Okapa na Kainantu ol i no sekim gut na planti komyuniti skul i statim pinis skul na i no gat inap tisa.

Em i tok planti sumatin i save skul long ol ples insait tru long bus na sampela taim tisa i no save kamap hariap bilong givim ol gutpela eduksen.

Mista Silupa i tok sampela tisa i save go aut long wanpela mun na save go olgeta na i no kam bek tis. Em i laikim olsem dipatmen i mas rausim ol kain tisa olsem husat i no save wok gut.

Mista Silupa i mekim dispela toktok taim Edukesen Dipatmen i givim K2 milien fri eduksen mani i go long ol skul.

## Miti raitas woksop kamapim lesen



• Ol dispela lain sumatin i greduet pinis long Martin Luther semineri na redi nau long go wok namel long ol pipel tu i mas luksave na givim helpim long ol.

**SANANG ZAZORING i raitim**

MITI Baibel Korespondens i bin kamapim wanpela raitas woksop na ol 30 manmeri i kamap long en long 6 i go inap long 16 Desemba, 1993. Dispela kos i bin stap long tupela wik.

Ol manmeri i bin kam long Niugini Ailan, Madang na Kate, Yabim na Papua Distrik.

Man i go pas long woksop, Pasto Kinim Siloi i tok ol raita i bin kisim

save long buk bilong sakramen na lotu. Arapela buk em kos 1 - Givim Nating, kos 2 - Mi na God, kos 3 - Baibel bilong yumi, na kos 4 - Ol Kristen Sios.

Pasto Siloi tok ol dispela buk em ol i salim pinis i go long ol sumatin bilong Miti Baibel Korespondens. Ol dispela buk ol i kamapim i sut long helpim ol pikinini ya bilong ol i stap namel long 16 krismas i go inap long 25.

Ol raita i bin yusim 2 wik insait long grup long kamapim dispela buk.



MARCON (PNG) PTY LIMITED

I LAIK TOKAUT LONG OL KASTOMA BILONG

TULUA NAMBA 11 PTY LTD TRADING I SENISIM NEM OLSEM

PNG BOND STORAGE

DISPELA I STAT PINIS LONG FEBRUERI 1, 1994

EM BAI MEKIM OLGETA WOK BILONG EM WANTAIM

PNG SHIPPING SERVICES PTY LTD.

PNG SHIPPING SERVICES

I NAP LONG GIVIM YU

GUTPELA SEVIS LONG

BRIS I GO STRET LONG

WANEM HAP YU LAIK GO

LONG GUTPELA PRAIS

TRU.

▶ LIASENS STIVEDOS

▶ AJENT BILONG OL SIP

▶ SAVE SEKIM OL SAMTING I KAM LONG SIP

▶ SAVE KARIM OL KAGO LONG ROT

▶ SAVE SALIM OL KAGO I GO LONG SIP

▶ KEN PUTIM SAMTING BILONG YU LONG PLES

BILONG OL NA DISPELA I FRI TASOL

MR RAY STEWART, MANAGING DIRECTOR.

"Olgeta kastoma bilong mipela na wanem bisnis husat i laikim sevis bilong mipela bai amamas nau wantaim dispela nupela kampani strakta bilong mipela. Dispela bai ken helpim long kisim ol samting i go hariap na katim daun ol hevi i save kamap taim yu gat planti wok."



PAPUA NEW GUINEA SHIPPING SERVICES PTY LIMITED

P.O. BOX 7303, BOROKO, N.C.D.

PAPUA NEW GUINEA

TELIPON: 21 7411 FAX: 21 7894

# Rot bilong Luteran Sios bai go long wanem rot, Kigasung

## SANANG ZAZORING i raitim

LONG dispela taim bilong senis, Evanjelikal Luteran Sios bilong Papua Niugini i sut long we na long wanem mak. Pasto Kasek Kautil, olpela prinsipel bilong Martin Luther Semineri i bin kirapim tingting bilong ol greduet na sios long greduesen bilong 18 sumatin, 5 long Desemba, 1993.

Pasto Kautil i tok, wanem samting em i bikpela long yumi yet, ol kongrigesen i bruk-daun na planti i tok bitip na pasin lotu

bilong yumi i dai. Dispela tok i gat bikpela hevi yumi mas tingting long en.

"Sios bilong yumi i luk olsem i no gat strong. Long wanem, ol kongrigesen i mekim sios wok bilong ol yet na arapela man i no save long en long pasin bilong lukautim na givim stia."

Em i tok, ripot bilong nesenel senses i soim 4 pesen memba i lusim Luteran Sios pinis. Insait long Luteran Sios yet, pasin bilong bruk i soim

olsem i gat seken rifomesen na ol pentekostel i tok, ol i kamapim namba 3 rifomesen.

## (ELC-PNG i go long yia 2,000 olsem wanem)

Long dispela taim, sampela greduet i no save ol bai mekim wanem. Long wanem, i no gat gutpela progrem i stap bilong stiaim wok bilong sios.

Pasto Kautil i tok, em i no laik lukim dispela greduet i bihainim wankain rot. Long nau i gat pasin bilong tok baksait i stap long ol

pasto na hetman long ol nupela greduet. Pasin bilong ol lain pasto i save long Inglis na lain i no save Inglis. Dispela tingting i save skelim ol gutpela wokman bilong sios. Dispela em i bikpela hevi tru.

Pasto Kautil i tok, "Em i wok bilong yumi long lukim olsem ol yangpela greduet i mas kisim wok pasto hariap. Dispela i soim olsem ELC-PNG i sindaun antap long "Taim Bom" na hevi i gat tupela rot."

Em i tok yumi lukim hevi pinis, tasol yumi no mekim wanpela samting long stretim hariap. Wanpela piksa em yumi i no gat wanpela kain singsing buk na narapela hevi em pentekostel muvmen i stap pinis namel long

Luteran kongrigesen. Dispela i kamapim askim olsem: wanem samting em i namel na bikpela tingting insait long ministri bilong yumi?

gat hevi namel long ol wokman i stap long pasin na tingting,

## Moa sumatin lusim Martin Luther Semineri

MARTIN Luter Semineri i salim gen narapela lain sumatin long wok. Long 1993, 28 sumatin i bin greduet wantaim diploma na digri bilong tioloji. Ol 18 sumatin i kisim diploma na 6-pela sumatin i kisim digri wantaim na wanpela meri i kisim set-fiket bilong peris woka.

Long taim bilong greduesen, Prinsipol bilong semineri, Dokta Wesley Kigasung i bin mekim sampela tok long strongim ol nupela lain wokman-meri.

Dokta Kigasung i tok, nau yupela i kamap wan-wok bilong mipela. Yupela i no stap moa olsem sumatin. Yupela i kisim singaut nau bilong go olsem rhan i gat save long wok na helpim ol arapela pipel.

Long ol papamama, Dokta Kigasung i tok, mipela i lusim ol nupela wokmanmeri i go long yupela. Kisim ol na lukautim ol long helpim ol arapela i sot long Tok bilong God. Yupela i go na tu salim moa studen i kam long kisim save long Tok bilong God.

Dokta Kigasung i bin singaut tu long ELC-PNG na Gutnius Sios long luksave long sot bilong sios na trenim sios wok man long karim hevi bilong dispela sios bilong autim Gutnius.


Em i tokim ol greduet olsem, "Yupela i go aut olsem ol man na meri long sanap strong taim hevi na traim i bungim yupela. Wok ministri em i no wok bilong man na em i no bilong pait namel long ol wokman, tasol em i wok bilong givim biknem long God."

Long pinisim, Dokta Kigasung i tok tenkyu long olgeta pipel i helpim long mekim dispela greduesen i kamap gut.

Taim yu kisim ol kainkain pen...  
olsem tit i pen ...beksait i pen...  
het i pen...sik mun pen...  
o wanem kain sik...!

# Olgeta taim igat Disprin long halivim yu!

Em isi, yu ken kisim  
Disprin na tainim  
wantaim wara!




Igat narapela yu  
ken kaikaim...  
teis olsem muli!

Na igat ol kapsol  
yu ken daunim  
wantaim wara!

**Kisim  
DISPRIN...  
kilim pen!**

TINGIM... OL KAINKAIN PEN...  
IGAT DISPRIN OLSEM WE YU LAIKIM...

HRD 14732



**Pinis nau....**Ol plisman i putim ol  
sot em Buka Liberesen Fran i givim i go  
long han bilong ol sekyuriti fos long las  
wik Trinde.

## Tekwie wari long pasin bilong gavman

"Bai yumi stap bung wantaim Papua Niugini yet o nogat?" Dispela em wanpela askim bilong memba bilong Wes Sepik, John Tekwie i go long ol pipel bilong em.

Mista Tekwei i mekim dispela toktok bihain long gavman i sensim ol minista long wok bilong ol.

Em i bilip olsem long taim Papua Niugini i kisim independens long 1975 i kam inap nau, gavman i lus tingting olgeta long Wes Sepik provins olsem wanpela las ples tru bilong kantri.

"I luk olsem no gat wanpela man o bikman

insait long kantri i laikim ol pipel na provins bilong Wes Sepik," Tekwie i tok.

Em i tok taim nupela gavman bilong Wingti na Chan i kisim opis, i no gat wanpela memba bilong Wes Sepik provins i kisim wanpela ministri.

"Mi wantaim Bob Netin, memba bilong Telefomin i bin stap long sait bilong Wingti na Chan taim tupela i kamapim gavman. Tasol tupela i no mekim wankain olsem ol narapela provins na givim wan wan ministri i go long wanpela memba bilong provins." i go moa long pes 16






# NAMBA WAN TRAK

## TOYOTA 6000

TEAM UP WITH  
TOYOTA

Ol Toyota Trak i fit long raun long ol rot insait long Papua Niugini. I gat spesel tripel fran waipa bilong helpim draiva long lukim gut rot long taim em i ran long bikpela ren. I gat strongpela Toyota disel pawa na ful sapot bilong Toyota Genuine Parts na Quality Service Centre i stanbai oltaim long helpim Toyota Trak bilong yu.

PORT MORESBY 229400 • LAE 422322 • RABAUL 921988  
MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155  
TABUBIL 589060 • VANIMO 871254 • PORGERA 579367





• Letenen Jeneral Francis Briquemont bilong Belgium i olupela sief bilong UN fos long Bosnia. Em i tingting long waem samting em bai mekim long taim em i givim dispela wok i go long nupela man.



• Dispela liklik boi na papa bilong em long Sorlevo i wari taim ol pait man i sutim lek bilong liklik brata bilong em. Long dispela trabel 6-pela proman bilong em i bin dai taim brata bilong em wantaim narapela boi i kisim bagarap. Helikopta i bin kisim dispela tupela boi i go long haus sik long Italy .



• Chang Yong Ja, tambu meri bilong olupela presiden bilong Saut Koria, Chun Doo Hwan. Pils i holim Chang na sasim em long glaman sainim sek long kisim mani inap long K14 millien. Em i bin kalabus tu long 1982 long 15 yia long sas bilong kisim K740 millien dinau long bek. Tasol ol i bin rausim em long kalabus na putim em long parol.



• Ol pipel bilong Bantus long Somali i ranim wanpela man bilong Somali husat i bin traim bagarapim kibung bilong ol long wanpela ples klostu long Mogadishu wantaim grened. Ol pipel bilong Somali i laik traim long rausim ol pipel bilong Bantus long graun bilong ol.



*Antap..*Ol lain bilong Los Angeles long Amerika em bikpela guria i bagarap ol i sanap long lain long yusim telipon. Dispela em wanpela long ol telipon sevis ol i wokim long larim ol pipel long yusim. Tasol yu mas toktok long 10 minit tasol olsem sain antap i tok.

*Lephan..*Thurman Thomas bilong Buffalo i ran i kam long skoa taim ol i pilai wantaim Kansas City long American Futbol konfrens fainal. Buffalo i bin winim dispela pilai 30-13.

*Daunbilo...*Wanpela soldia was long ol birua long Maseru bihain long ol arapela birua stap long pait long traिम stretim ol toktok.



Ripota GODRIED NIAKA stori long bel isi bung long hap bilong Hagogohe

# Hatwok bilong ol lain Resisten Grup i bringim gutpela sindaun

Inap long 5-pela yia, hevi bilong Bogenvil i stap. Long taim PNG ami i kisim Buka ailan, planti yangpela man bilong ples tu i helpim ami na pait wantaim BRA. Ol i kolim ol olsem ol resisten paitman. Bihainim askim bilong ol bikman, sampela bilong ol i lusim dispela wok nau na givim bek ol strongpela samting bilong pait em ol i gat long en.

TAIM yu kalap long ka inap long 20 minit long Buka ples balus samting. long Not Solomon provins na laik go long Hagogohe, ka bai ron Tasol sapos draiva i spit, yu bai kamap long

## Ami boi laikim BRA bihainim bel isi pasin

LONG dispela bung, komanda bilong Papua Niugini Difens Fos, Robert Dademo i tokim ol pipel bilong Hagogohe olsem em i amamas tru long ol wok em sekyuriti fos i mekim nau long Buka.

Em i givim tu bikipela tok tenkyu na amamas i go long ol yangpela man bilong Hagogohe long harim toktok bilong ol sief. Na givim ol sot gan bilong ol i go long han bilong ol sekyuriti fos.

Komanda Dademo i tokim ol pipel bilong Hagogohe olsem sapos ol i laikim bel isi na gutpela sindaun, ol yet i mas go pas na kamapim. Ol arapela manmeri wantaim ol sekyuriti fos i no inap long mekim dispela samting. Bikos sekyuriti fos i no stap bilong mekim dispela. Sekyuriti fos i stap bilong lukim olsem ol pipel i no ken kisim bagarap long han bilong ol rebel paitman bilong Bogenvil Revolusineri Ami (BRA).

Ami komanda i bin tok tenkyu tu long ol bikman, ol sief bilong ples na Buka Distrik Pis Komiti long luksave long hevi. Na paitim toktok wantaim ol yangpela bilong ol long givim ol sot gan samting i go long ol sekyuriti fos. Olsem bai ol inap bihainim gutpela na stretpela rot bilong kamapim gutpela sindaun na bel isi long komyuniti.

Mista Dademo i tok ol dispela yangpela man i bin karim bikipela wok na mekim gut tru long helpim ol pipel bilong ol. Bikos ol i lusim BRA na fomim resisten grup bilong pait wantaim ol lain BRA.

"Dispela em i wanpela bikipela samting. Bikos ol yangpela i tingim ol famili bilong ol na traim hat tru long mekim ol lain bilong ol i kisim gutpela sindaun. Na long wankain taim, i mas gat bel isi long ples na komyuniti," Mista Dademo i tok.

Em i askim tu ol sekyuriti fos long sapatim wok bilong ol bikman, ol sief bilong ples wantaim Buka Distrik Pis Komiti long kamapim bel isi na gutpela sindaun long Buka ailan na ol arapela hap bilong Bogenvil.

"Mi askim nau ol paitman bilong BRA long lusim dispela pasin bilong traim pait yet wantaim ol sekyuriti fos. I mobeta ol i givim ol yet i go long han bilong ol sekyuriti fos na gavman i ken traim na stretim gen ol bagarap em i bin kamap long dispela bikipela hevi bilong Bogenvil.

"Ol paitman bilong BRA i mas lukim wanem samting ol resisten grup i mekim na bihainim. Bikos dispela em i rot bilong bringim bel isi na gutpela sindaun," Komanda Dademo i tokim ol pipel bilong Hagogohe.

Em i tok olgeta wok bilong ol sekyuriti fos i no pinis yet. Ol i mas kisim dispela samting ol resisten grup i mekim na askim ol narapela lain long bihainim wankain pasin. Bikos ol pipel yet i mas go pas na kamapim bel isi long ples na ol komyuniti bilong ol.

Hagogohe insait long 15 minit taim.

Long rot, yu bai lukim ol haus na ol kokonas na kakao plantesin. Tasol namba na sais bilong ol kokonas plantesin em i win tru.

Pastaim long bikipela hevi i kamap long Bogenvil, rot i bin gutpela. Tasol nau bihainim long 5-pela yia, rot i bagarap olgeta. Rot i orait tasol i gat planti hul long graun. Tasol no ken wari tumas long dispela samting, bikos bikipela samting em yu go kamap long wanem hap em yu laik go long en.

Long Hagogohe, i gat wanpela ples nem bilong em Sing. Long dispela ples i gat wanpela komyuniti skul.

Long las wik Trinde, Jenueri 26, wanpela bikipela bung i bin

kamap long dispela skul. Planti yangpela man, yangpela meri, ol lapun wantaim ol pikinini bilong Hagogohe i bin kamap long dispela bung.

Em i bung nating. Nogat. I gat as na dispela bung i kamap. Bung i bin kamap bilong bringim bel isi na gutpela sindaun long hap bilong Hagogohe wantaim ol arapela hap insait long Buka ailan na ol arapela hap long bikiples Bogenvil wantaim ol liklik ailan long Not Solomon provins.


Long dispela bung, wan handed na wan (101) yangpela man bilong Hagogohe i bin givim 153 sot gan em ol yet i wokim i go long han bilong ol sekyuriti fos. Pastaim long dispela, ol lain ya i bin yusim ol dispela sot gan long pait wantaim ol rebel paitman bilong Bogenvil Revolusineri Ami (BRA).

Tasol bipo, planti bilong ol dispela yangpela man i bin joinim BRA na pait wantaim

ol sekyuriti fos. Long 1990 taim ol sekyuriti fos i go kamap long Buka ailan, ol i lusim BRA na fomim wanpela grup em ol i kolim olsem Resisten Grup. Na ol i tanim bek na pait wantaim ol BRA.

Ol i mekim olsem i kam inap klostu long pinis bilong las yia. Na ol bikman, sief na Buka Distrik Pis Komiti (BDPC) i holim kibung wantaim ol. Ol i paitim toktok na askim ol long lusim dispela wok na givim ol sot gan i go long han bilong ol sekyuriti fos. Ol yangpela ya i wanbel na kaikai bilong dispela i kamap long las wik Trinde.

Long dispela bikipela bung, ol sief, bikman na BDPC i askim Komisina bilong Plis, Henry Tokam na Komanda bilong PNG Difens Fos, Robert Dademo long go long dispela bung. Orait long dispela taim, ol tu i lukim ol yangpela ya i givim ol sot gan samting i go long ol lain sekyuriti fos.



James Togel

## Lusim gan i bilong bringim gen gutpela sindaun, Togel

DISPELA em i no wanpela bung nating.

Dispela bung i gat bikipela mining na as long en. Bikos long dispela bung, mipela i luksave long hevi na stretim bilong painim gutpela sindaun na amamas long ples na ol famili bilong mipela.

Dispela bung i mekim yumi olgeta long luksave tu long tripela samting. Namba wan em mipela i luksave olsem ol yangpela bilong mipela i givim ol sot gan bilong ol i go long ol sekyuriti fos. Namba tu em mipela olgeta i givim bikipela tok tenkyu i go long ol dispela yangpela man. Na namba tri samting em mipela i mas luksave olsem i gat lo na ol atoriti i stap long sosaiti bilong mipela.

Wanpela memba bilong Provinsal Pis Komiti (PPC) long Bogenvil, James Togel i tokim ol manmeri na pikinini bilong Hagogohe wantaim ol sekyuriti fos husat i kamap long dispela bung.

Mista Togel i tokim ol pipel bilong Hagogohe olsem bikipela hevi long Bogenvil i bagarapim pinis laip, sindaun, samting na fridom bilong planti manmeri na pikinini. Na tu em i kamapim kain kain hevi na wari.

Em i tok taim i kamap nau bilong olgeta pipel biong Not Solomons provins long wokbung wantaim gavman na ol sekyuriti fos long stretim ol samting bilong kamapim gen bel isi, gutpela sindaun na amamas.

Em i tok sapos gavman i no bin rausim ol sekyuriti fos long Bogenvil, planti manmeri na pikinini i no inap long lusim laip bilong ol. Na tu ol kain kain hevi na bagarap olsem i no inap kamap.

"Tude yumi lukim ol dispela yangpela man i givim ol sot gan bilong ol bihainim long ol i mekim wanpela bikipela wok. Ol i tingim ol pipel bilong ol na fomim wanpela resisten grup na pait wantaim ol ami bilong BRA.

"Samting ol i mekim i soim olsem ol i laikim bel isi na gutpela sindaun i kamap long ples bilong ol. Ol i laikim hevi i mas pinis na olgeta samting i kamap orait gen," Mista Togel i tokim ol pipel bilong Hagogohe.

Em i tok sapos ol sekyuriti fos i no kamap long Buka na Bogenvil, stori bilong dispela tupela hap bai kamap narakain. Bikos bikipela hevi i kamap na planti man, meri na pikinini tru i lusim laip bilong ol. Na ol arapela i painim kain kain hevi.

"Mi askim nau nesene gavman long lukluk na stretim dispela hevi hariap. Mi askim tu gavman long yusim na bihainim ol lo i stap insait long mama lo bilong kantri. Olsem bai bel isi na gutpela sindaun inap kamap gen long Not Solomons provins."



• Plis Komisina Henry Tokam i salutim wanpela memba bilong Buka Liberesen Fran (BLF) long solim rispek bilong em long ol memba bilong BLF.



*Ol soldia tru o ekting tasol....*Dispela em ol lain memba bilong wanpela resisten grup long Buka ol i kolim Buka Liberesen Fran em ol i bin givim ol samting ol i yusim long pait egensim ami bilong BRA i go long han bilong ol sekyuriti fos long Buka ailan long las wik Trinde.



*Flag i go antap nau....*Wanpela risev plisman na wanpela man nating i hapim flag bilong Papua Niugini na Not Solomon provins i go antap. Dispela em bipo long ol bikman i toktok na ol memba bilong Buka Libereseb Fran i givim ol sot gan bilong ol i go long han bilong ol sekyuriti fos.



*Salutim em....*Plis Komisina Henry Tokam i salut long wanpela memba bilong Buka Liberesen Fran. Komisina Tokam i salutim em taim em i givim soim em wanpela sere moniel bainat ol i sapim long diwal.

DAUNBILO: *Lukaut, ol i laik sut nau....*Sampela memba bilong ol sekyuriti fos long Buka ailan i putim sot gan long solda bilong ol na palarim long skal. Dispela ol i save kolim olsem "gan salut."



*Givim toktok....*Edministreta bilong Not Solomon, Sam Tulo i givim toktok bilong em long tok tenkyu i go long ol lain Bukla Liberesen Fran long harim toktok bilong ol bikman na sief na givim ol sot gan bilong ol i go long han bilong ol sekyuriti fos.



# Lo bilong kilim man bai kamapim moa hevi No ken bagarapim ol Sauten Hailans

**Dia Edita,**  
Mi no amamas long tingting bilong nesanel gavman long givim tok orait long wanpela bil. Dispela bil mi toktok long en em lo bilong kilim man husat i wokim trabel.

Papua Niugini em i wanpela Kristen kantri. Na yumi ol pipel bilong dispela kantri i mas porgivim ol lain husat i wokim pasin nogut long yumi. Yumi olgeta manmeri long dispela graun i man bilong sin na i nogat man i gutpela long ai bilong God.

wankain olsem man i stilim samting. Tasol long lukluk bilong yumi ol man bilong graun, yumi ting olsem man husat i kilim man o bagarapim meri em i wokim bikipela rong tru. Olsem na yumi mas kilim em tu. Dispela i wanpela gutpela we long stapim trabel long kamap bikipela. Tasol long PNG, pasin tumbuna bilong yumi i no wankain olsem long arapela kantri. Long tingting bilong mi, mi bilip bai i gat

planti pasin bilong bekim bek taim ol wan pinsin bilong man em ol plis i kilim long wokim rong. Ol bai trajim long bagrapim samting bilong gavman na kilim ol arapela man. Olsem na mi tok sori tru long ol pipel bilong dispela kantri. Mi save olsem ol bai kisim bikipela bagarap long laip bilong ol taim gavman i stat long kilim na hangamapim ol lain i bikhet. **Sofex Fasum VANIMO**

**Dia Edita,**  
Mi wanpela manki Sauten Hailans. Tasol nau mi stap long Kumbango plantesen long Wes Nu Briten. Mi laik bekim pas bilong brata ya Alfred Thomas i bin kamap long *Wantok Niuspepa*. Brata Thomas i bin mekim sampela kain toktok nogut long mipela ol Mendi. Em i

tok olsem mipela ol Mendi i save pait wantaim tamiok. Brata, i luk olsem yu painim toktok stret ya. Yu toktok long dispela tamiok ya em yu yet bai karim ya. Tasol mipela i no save long yu. Olsem na yu wok long mekim ol kain kain tok nogut long mipela. Brata, i luk olsem yu no man Hagen. I luk

olsem yu man long narapela provins ya. Mipela i save stap gut tasol wantaim ol Hagen ya. Em i orait. Yu ken mekim yet ol dispela toktok. Tasol sopus mipela painim yu, yu mas tingting gut. Em tasol liklik bel hevi bilong mi. **Peter Woly KIMBE**

I tru olsem planti manmeri i no laikim ol trabelman long stap wantaim yumi. Na ol i ting em i gutpela rot long stapim ol trabelman em long kilim o hangamapim ol long baplik.

## PNG ... Kristen kantri long nem tasol

**Dia Edita,**  
Mi laik autim wanpela liklik tingting bilong mi na yumi olgeta manmeri long kantri i ken skelim. Kantri bilong yumi Papua Niugini em i wanpela Kristen kantri. Nem Kristen i olsem Jisas Krai yet em i bungim yumi long wanpela diwai kros bilong em yet. Na yumi bai stap wanpela kantri, wanpela pipel na litimapi nem bilong em wanpela tasol. Na

tu lo bilong kantri bilong yumi i sut long dispela bung em yumi stap wantaim. Tasol nau kantri bilong yumi i wok long bruk isi isi. Husat tru i brukim? Ol lida bilong kantri yet i brukim. Mipela makim yupela long kamap wasman bilong mipela na lidim mipela. Yupela i mas sindaun gut olsem ol wasman bilong sipsip. Jisas i no kam long graun long bagarapim lo. Nogat. Em i kam

long helpim lo. Olsem na sopus yu lida bilong kantri i mekim kamap ol strongpela lo oltaim, yu bai bagarapim kantri bilong yumi olgeta. Olsem na mi laikim yupela ol lida i mas lukluk na bihainim lo na Gutnius bilong Jisas Krai. Na lo bai kamap olsem waspapa bilong bringim yumi i go insait long kingdom bilong god. Na sopus wasman i no gutpela, em bai no nap save long wanem

rot bilong bringim yumi long Kindom bilong God. Dispela toktok i mas go long ol lida na ol bikman olsem Praim Minista. Sopus yupela i no nap mekim, orait yupela mas lusim wok na larim narapela lida i senisim yupela. Em tasol liklik tingting bilong mi. Yu husat i sapotim o egensim, rait i kam long *Wantok* na bai mi ken lukim tu. **Mori. A LAE**

## Papa God i as bilong olgeta samting

**Dia Edita,**  
Mi wanpela manki Kisa insait long Vanimo long Sandaun provins. Mi laik sapotim pas bilong Tonny Aiyu bilong Kimbe. Mi sapotim pas bilong em tru long *Wantok Niuspepa*. Em i tok long ol dispela pasin bilong paulim toktok na grisim manmeri long ol samt-

ing bilong mekim wok-bisnis. Ol dispela wok bilong God em yu mas wanpela man tru long mekim dispela wok. Sopus yu laik mekim wok bilong bikipela, yu mas givim bel bilong yu stret. Na i no long grisim ol manmeri long kar na mani. Ol dispela manmeri i mas tanim bel na tingting long Jisas wanpela.

Sopus yu tingting long Jisas, God bai strongim wok bilong yu. Ol giaman propet i mas tanim bel na kam long Jisas tasol. Toktok bilong Jisas i wanpela tasol. Mi sapotim tru pas bilong brata Tonny. Em tasol liklik tingting bilong mi. **Francis M. Wabi VANIMO**

## Mi painim kandre bilong mi

**Dia Edita**  
Mi painim kandre bilong mi ya em James Kou. Em i bin lusim mi na i go long stap long Bialla taim mi liklik manki yet. Tasol long nau yet, mi no save long wanem hap tru em i stap. Toksave bilong mi i

olsem sopus yu husat man, meri o pikinini i save long kandre bilong mi i stap long we, inap yu tokim em long rait long mi. Tokim em long rait long mi long dispela adres hia: Luke Huambi C/-Ambesugi Earthmoving Company P/L

P O Box 955 Madang, Madang Province. Sopus nogat orait yu ken tokim em long ringim mi long dispela telipon namba: 82 2676-EXT 7. **Luke Huambi MADANG**



## I no ol meri Goroka tasol save putim klos bilong ol man

**Dia Edita,**  
Mi bilong Lufa insait long Isten Hailans. Tasol nau mi stap long Mosbi. Mi laik bekim pas bilong Tua Tom Walu i bin kamap long *Wantok Niuspepa* long Januari 20. Orait, I brata Walu i komplem long ol meri Goroka husat i save putim jin trausis, haikat su na raun long Goroka taun. I no ol meri Goroka

Brata, ating em i namba wan taim bilong yu long kam raun long Goroka taun na lukim ol meri nogut bilong kol ples i werim ol klos yu toktok long en. Yu no laik raun pastaim long 19-pela provins bilong kantri na na lukim wanem kain klos ol meri i save putim bipo yu putim komplem bilong yu long pepa.

tasol i werim jin trausis na haikat su. Nogat ya. Planti meri long olgeta hap bilong PNG i save werim klos bilong ol man na raun long olgeta hap kona bilong taun. Tingting gut pastaim bipo yu putim kamap komplem bilong yu long pablik. **Iripo Bade Mosbi, NCD.**

## Wara Famgen no pipia ples

**Dia Edita,**  
Mi laik autim wari bilong mi go long helt inspekta bilong Morobe provins. Bilong wanem tru na ol pukpuk fam long 8 mail i save tromoi pipia long wara Famgen. Mipela planti manmeri i save waswas long dispela wara na save

kisim sik long en. Planti manmeri na pikinini i save pret long dispela wara. Na ol i save go long bikipela wara long Markam na planti taim ol pikinini i save lus long wara Markam. Plis mi laikim ol helt inspekta long Lae i mas go na stopim ol pukpuk fam long no

ken tromoi pipia long wara Famgen. Yu husat i laik sapotim mi orait rait i kam tasol long *Wantok Niuspepa*. Bilong wanem mipela planti manmeri i save stap long 4, 5, 6 na 7 mail. Em tasol liklik wari bilong mi. **Joshua Dimi 5 Mile, LAE**

## Gavman i no baim yet kompensesen bilong Anderson

**Dia Edita,**  
Mi laik autim wari bilong mi i go long MP bilong Nipa Kutubu na tu Jastis Minista Philemon Embel. Na tu rijnol memba bilong Sauten Hailans Dick Mune. Long las yia, gavman bilong Paias Wingti i tok long baim kompensesen mani i go long lain bilong Anderson Kowi Kapaol, wanpela yunivesiti manki ol raskol i bin kilim em long Gerehu. Orait, dispela tok i wanpela giaman promis. Taim mipela lain famili na hauslain bilong manki ya i askim opis bilong edministreta insait long Enga long dispela samting, em i tok em bai traim helpim mipela. Tasol dispela toktok i no karim kaikai. Mipela ol lain wanpelin bilong manki ya i laikim tupela memba bilong mipela long tok strong long dispela samting. Mipela i no amamas bikos ol plis long Nesanel Kapitel i no holimpasim ol dispela raskel husat i kilim manki ya. Ol plis i tok raskol i ranawe i go long ples bilong em. Olsem wanem? Em i go long mun o long san? Planti taim, yupela i

save tok giaman. I gat longpela han bilong lo i stap. Nau olsem wanem, han i go sot long holimpasim dispela man? Long kain pasin tasol bilong gavman i slek long stretim ol papamama bilong dispela manki, ol hauslain bilong em i bin pasim hap rot long Mendi na kisim 6 pela gavman ka. Tasol ol bin givim ol bek bihain long tripela de. Ol bin mekim dispela kain pasin long kirapim bel bilong gavman. Bikos gavman i slip tumas. Na i no bihainim tok promis bilong en. Mipela papa lain long Enga i wet tasol long kisim gutpela bekim i kam long gavman bilong Wingti. Tingim yupela ol bikman long gavman, bihainim tok bilong yupela na bai ol grasrut long ples i rispektim yupela. **Ebesam Harkowin** Porgera Enga provins.

## Lain nogat wok mas kamap risev plis

**Dia Edita,**  
Mi wanpela mangi Hailans tasol na mi stap long Wau. Mi save lukim olsem ol planti nupela risev plis i save werim yunifom bilong ol plis na so op tumas. Na mi na save amamas long lukim

dispela ol plisman na plismeri bilong wanem ol dispela lain em ol i wokman na meri. Ol bai stopim ol raskol na paitman olsem wanem tru. Dispela ol wok em inap long ol man i nogat wok bai i ken mekim. Mi laik askim

ol bikman na bikmeri long inap yupela givim dispela wok long ol man husat i nogat wok. Dispela ol raskol pasin i save kamap long ol strit manmeri na i no ol wokman. Plis traim na helpim mipela ol manmeri husat i nogat wok.








Specials available Monday 31st January to Saturday 12th February 1994

# 2 erima



SUPERMARKET



UNCLE TOBY'S VITA BRITS  
375GM WERE K1.73  
**K1.60**




'777'  
MACKEREL IN OIL  
425G. WERE K1.45  
**K1.41**



TRUKAI RICE 1KG  
WERE .68t  
**.63t**



ARNOTT'S JATZ BISCUITS  
WERE K1.33  
**K1.15**



HEREFORD CORNED BEEF  
200G. WERE .99t  
**.85t**



SUNCRUSH CORDIALS 2LTRS  
ASST'D. WERE K3.06  
**K2.69**



PACIFIC CHICKEN NOODLES  
85G. WERE .36t  
**.30t**




SIL DISHWASHING LIQUID  
750MLS. WERE K1.13  
**.99t**



ILIMO CHICKEN SIZE:11  
WERE K4.13  
**K3.61**



ILIMO CHICKEN FEET/  
NECKS 1KG WERE K1.90  
**K1.59**




LAMB NECK CHOPS T/P KG  
WERE K1.79  
**K1.39**



LAMB PIECES T/P KG  
WERE K1.59  
**.95t**

**TRADING HOURS**

Monday 8:30 am to 6:30 pm  
Tuesday 8:30 am to 6:30 pm  
Wednesday 8:30 am to 6:30 pm



Thursday 8:30 am to 6:30 pm  
Friday 8:30 am to 7:00 pm  
Saturday 8:00 am to 6:30 pm  
Sunday 9:00 am to 1:00 pm.

# NIUSPEPA BILONG NIUGINI STREET

## WANTOK

Ernst & Young audited/  
circulation 15,177

NIUSPEPA BILONG OL PAPUA NIUGINI STRET

40 toea

28 pes

Namba 965

Wik i stat long Trinde, Desemba 30, 1992.

### MOROBE TINPIS STAP HAIT YET

Gavman:  
Niuslain  
helpim  
ol BRA:

FRANCIS ULIAU i raitim

NO GAT kila tok... kamap yet long nemhap nupela tinpis tekon bilong Morobe provins bai stap long...  
Na ol lain long Dipatmen bilong Morobe wantam provinsal Lens opis i no save long wanem samting i kamap nau. Bikos ol tok olgeta samting i kamap tasol long opis bilong Tred na indastri long Mosti. Na no gat gupela toktok na wokbung i save kamap wantam ol lain long provins Seketen bilong Morobe provins

Manasupe Zure... tok em yet... kila long wanem rap dispele nupela tinpis tekon bai sanap long em. Bikos i gat planti kain kain toktok i stap yet. Em i tok nau ol i wetim tasol ripot bilong ol lain long Tred na indastri husat i bin go long Malesia wantam minista David Mai. Na bihain long Nu Yia, aing em bai inap kiam ol dispele samting.  
Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Ailan bilong sekap long ol tinpis bisnis long hap. Na ol bai givim ol ripot i go long pos bilong dipatmen long namba wan wik bilong neks yia.



Goroka brukim lo... Long las mun, Gavman EHP Kapitel Atoriti i bin tambu long ol pipel long ol rot na maket. Tasol ol pipel i wok mit bilong sipsip na ol kaikai olsem.

GAVMAN tok olsem niuslain wok long helpim ol BRA long salensimpaw bilong long Bogenvi. Man husat i aukautim nius bilong Bogenvi Franzalbert Joku i tok dispele wok long dauim strong bilong ol lain husat i tak stretim hevi long hap.  
Dispele tok i bihainm wanpela 3-pes ripot insait long Post Courier long toktok bilong wanpela men lora bilong Australia, Rosemary Gillespie husat i stap long Bogenvi. Gillespie i bin tok olsem ol sekjuritios i lusim itakara rot na Tunuru misin.

- Plis opisa joinim NCDC bod...p2
- Glasim 1992...p3
- Is Sepik baset...p5

### Nupela mak bilong ne i dau

MESERY GUBAG i raitim

Ol wan husat em kiamas bilong... long 21... kiamas... husat... kiamas... wanpela wok... maket... maket...

# 400T

## tasol!

# NIUPELA FORESTRI REVENIU SYSTEM: OL GUTPELA SAMTING BILONG PAPA GRAUN NA KANTRI

Fores Indastri Asosiesen (FIA) i bin autim sampela strongpela toktok tru long bekim tingting bilong kirapim nupela forestri revenu sistem long namba wan de bilong mun Mas long dispela yia.

Long stretim dispela toktok na wanem kain wari em ol lain bilong FIA i gat na kamapim pinis long tingting bilong wan wan papa graun na ol pipel bilong Papua Niugini, mipela i gat dispela bekim:

## **BIKPELA TINGTING BILONG TIMBA INDUSTRI**

Ol wok na samting em Gavman i laik kamapim insait long wok bilong timba long Papua Niugini i stap olsem:-

1. Long kirapim wanpela timba bisnis insait long PNG em inap wok long sotpela taim na bai bringim gutpela mani long ol pipel na Gavman. Na long dispela rot, bilong kamapim sapot mani bilong ol wok developmen na stapim tumas dispela kain wok bilong salim diwai i go long ovasis;
2. Bilong lukautim bikpela bus na diwai wantaim ol arapela samting em kantri i gat long en bilong stap longpela taim olsem bai kantri wantaim ol papa graun inap kisim gutpela helpim;
3. Bai ol papa graun inap kisim gutpela pe long timba bilong ol;
4. Ol wok bilong katim diwai na wokim i go kamap olsem timba i mas kamap long gutpela na stretpela rot. Na i no inap long bagarapim ol bus, graun, diwai na ol arapela samting insait long ol; na
5. Long pinisim olgeta pasin bilong salim ol nupela diwai i go long ovasis stat long yia 2000.

## **BILONG OL PROJEK STAT PINIS LONG GO HET**

Long mekim dispela i kamap tru, PNG Fores Atoriti i kamapim nau ol nupela lo na rot bilong ranim na kamapim wok bilong timba bisnis long kantri.

Long nau yet i gat tambu long olgeta nupela projek, tasol wok bilong ol projek nau i stap bai go het yet bihainim ol tok orait i stap long ol timba pemit, ol timba atoriti o timba laisens inap long taim wok bilong glasim na skelim gen ol projek i kamap long namba 31 de bilong mun Mas, 1994. Bihain long dispela wok bilong glasim gen ol projek i kamap, Fores Atoriti bai singaut long ol nupela tem na kondisens insait long ol timba pemit bilong bihainim Forestri Ekt. Na dispela kain tingting olsem em bai kamapim bikpela hevi na bagarap long wok timba insait long kantri i no tru.

Olgeta toktok bilong ol wok kamap na projek nabaut i stap insait long ol agrimen bai stap yet inap long namba wan de bilong mun Mas long dispela yia. Orait bihain long dispela, wok bilong skelim olgeta timba pemit na ol arapela laisens na tok orait nabaut bai kamap. Tasol dispela tu bai kamap wantaim wokbung bilong ol papa graun.

Mipela i sori tu long lukim olsem long bipo, sampela kampani

wantaim ol projek opreta i no bin bihainim stret ol agrimen na givim kain sevis na helpim em ol i bin toktok long givim. Tasol dispela hevi bai pinis na kamap stret aninit long nupela revenu sistem. Nupela samting nau i stap bai kamapim wok long stretpela rot na long wankain taim, em bai givim ol dispela helpim na sevis bihainim wanem samting i stap long pemit.

## **LUKLUK GEN NA SETIM TAIM**

Aninit long dispela nupela sistem bilong glasim gen ol samting, kampani o divelopa husat i no pinisim yet wanem wok na sevis em i bin stap long olpela pemit i mas pinisim dispela samting insait long taim em mipela bai makim long en.

Long bipo, wok bilong kamapim ol sevis na kain kain helpim i stap aninit long han na lukaut bilong wan wan kontrakta grup o kampani. Na long dispela taim, kontrakta yet i gat olgeta pawa bilong tokaut long wanem kain wok o sevis o helpim em bai kamapim. Olsem na long dispela pasin, opreta i no save yusim mani bilong en long baim na kamapim ol dispela wok o sevis o helpim, em i kamap tru long han bilong ol papa graun - bikos ol bai kisim liklik royalti mani bihain. Dispela i min olsem wanpela kontrakta husat i gat samting em kwaliti bilong en i no dia tumas bai wokim bris, rot o sanapim helt senta we kos bilong en i no inap bikpela. Tasol trangu ol papa graun i no inap komplem bikos samting i sanap pinis na ol i no gat pawa bilong toktok moa.

## **NIUPELA DEVELOPMEN KONTRAK**

Bihain long namba wan de bilong mun Mas, wok bilong kirapim olkain developmen bai stap namel long grup i makim ol papa graun na husat bisnis o kampani o kontrakta inap long givim nambawan kwaliti sevis. Mani bilong baim dispela kontrak bai kamap stret long pe bilong timba em ol papa graun bai kisim long en.

Bikpela senis nupela revenu sistem i kamapim nau em papa graun grup o kampani yet bai tokaut long wanem kain sevis na helpim ol i laikim na husat bai wokim long en. Dispela i min tu olsem olgeta bris, rot, skul, edpos na ol arapela sevis olsem i kamap aninit long nupela sistem bai gutpela na kos bilong en tu i stap klia. wok bilong wokim o kirapim o sanapim dispela sevis o helpim inap kamap long ol papa graun yet, opreta o kontrakta o ol join venja wantaim ol papa graun grup.

## **FORESTRI ATORITI KEN HELIVIM**

Sapos ol papa graun i no laik lukautim wok bilong kirapim wanpela sevis o kirapim wanpela samting, ol inap askim PNG Fores Atoriti long tokim kontrakta kampani long pinisim dispela wok. Na dispela i min olsem pe bilong timba em papa graun i kisim bai go daun liklik. Nupela revenu sistem i givim sans long tupela sait wantaim long givim ol sevis na helpim.

Ol papa graun na arapela lain husat i laik save moa long dispela nupela revenu sistem o long rot bilong makim wanpela maugrup bilong ol i ken toktok wantaim Fors Atoriti Revenu Sistem Opisa long telepon namba 27 7800.

**PNG Fores Atoriti**  
**De: Janueri 28, 1994.**

# Hap diwai givim kain kain singsing long ples Siar

SIAR, em i wanpela liklik ples long Niu Ailan provins. Dispela hap em i wanpela las ples tru bilong kisim kain kain wok developmen. Bikos ol pipel i save bilip strong tumas long ol samting bilong tumbuna. Ol man husat i save go long dispela hap i save lukim ol kain kain samting ol man i save wokim long en. Ol tumbuna i ken singsing antap long ol lip bilong wail paragum antap long solwara we sampela ol pipel long arapela hap long provins i no save wokim long en.

As tru bilong ol dispela samting em wanpela liklik ples i stap insait long Lavangai ailan em bipo tru ol i gat nem long en. Dispela liklik ples em Luan. Tasol nau Luan i nogat dispela kain pasin na ol pipel bilong Siar i gat nem.

Bipo tru, long dispela ples Luan wanpela diwai i stap. Dispela diwai em man. Nem bilong dispela diwai em Toluan

Wanpela taim em i go aut long solwara na trip i go sua long wanpela

liklik ples long wes kos bilong Niu Ailan. Nem bilong dispela ples em Lamusmus. Em i long we liklik long Luan.

Orait, dispela ples i bin gat wanpela man i stap. Man ya i wok long slip na kisim win arere long nambis. Long dispela taim, dispela hap diwai i kam sua long man ya i slip long en. Taim, em i lukim dispela diwai i kam long hap em i lukluk long en, em i belhat nogut tru. Na suvim dispela diwai i go bek long solwara. Em i karangi na i no tingting long holimpas dispela hap diwai. Nogat. Em i ting diwai nating i suvim bek i go long solwara.

Orait, dispeal diwai i go na kamap long ples Siar. Na em i wok long tanim tanim i stap. Dispela taim i bin gat wanpela lapun meri i stap. Lapun ya wok long redi long go long haus na lukim hap diwai i wok long tanim tanim i stap. Orait, em i go kisim dispela diwai na karim i go long haus long wokim paia long en. Em i ting olsem em i



diwai bilong wokim paia.

Nogat. Long nait lapun meri ya i driman. Em kirap nogut long dispela diwai i tanim olsem man na soim

lapun meri ol kain kain singsing olsem limbung, parparik, liu na tumbuna. Dispela ol singsing i kamap long hatwok bilong dispela lapun meri wantaim pikinini bilong em.

Olsem na nau Siar long dispela taim i gat nem tru long ol kain kain singsing insait long Niu Ailan provins.

John Mays Bonma, NU AILAN



Wanpela taim Kanage i go long piksa o muvi long wanpela haus piksa long Rabaul taun. Long muvi Kanage i lukim wanpela man wantaim wanpela meri tupela i holimpas na kis. Taim Kanage i lukim dispela, em i pilim olsem amamas i kisim em nating. Kanage i tromoi ai bilong em i go long sait bilong em na lukim wanpela meri Kawas (Buka) i sindaun i stap. Em nau Kanage kirap na tokim dispela meri Kawas ya olsem: "Kawas, em nau piksa tru i kamap nau. Inap mitupela tu i ken mekimsave long hapsait? Olgeta samting bilong yu, mi laik holim lip bombom (lip bilong kokonas) na painim kiau bilong welpaul." Meri Kawas ya harim Kanage i tok olsem na em i kirap wokabout i go long Kanage na pairapim wanpela bikpela mama bilong kabubu. Na tokim Kanage olsem: "Em nau yu askim long en ya. Yu traim na pilim sampela smel bom bilong Bogenvil pastaim." Wanpela yangpela manki harim kabubu na tokim dispela meri Kawas ya: "Kawas yu bagarapim Kanage stret ya. Long tok sori inap yu givim kaikai bilong en stret na Kanage tu i ken pairapim garamut bilong ol manki Wasara."

Sharp Sosowep RABAU

## Olsem Kristen.....Em i rong long bihainim pasim kastam o nogat



Dia Laiplain,

Long pasin kastam long eria bilong mi, ol bikman i save katim skin bilong wanpela yangpela man. Bihainim kastam pasin, dispela i save mekim dispela yangpela man i kama wanpela strongpela man, heli na tu bai mekim ol meri i laikim em.

Tasol Baibel i tok: "No ken katim skin bilong yu na putim ol mak....Lev 19:28." Nupela Testamen tu i tok olsem: "Bodi bilong yu em i tempel bilong Holi Spirit....1Korin 6: 19."

Olsem wanpela Kristen na gutpela memba bilong klen bilong mi, mi bai bihainim pasin kastam bilong mi i nogat?

### TRADITIONS

Dia Pren,

Planti Kristen insait long Papua Niugini i save bungim wankain hevi olsem yu gat long en. Tasol i nogat ansa bilong dispela hevi. I gat planti kain kain kastam pasin long Papua Niugini. Na wan wan pasin kastam i gat mining bilong em yet. Planti kastam na tumbuna pasin insait long Papua Niugini i bihainim pasin Kristen. Planti tredisenel singsing na danis i save soim Kristen pasin.

Dispela Baibel ves em yu toktok long en em i bin wanpela samting long bipo ol Kristen i yusim long skulim ol Jews. Ol Kristen i bin skulim ol Jews long ol i mas i no ken mekim kain kain samting long relises seremoni wantaim ol nesen i stap klostu long ol. Ol i mas wosipim na onarim Lord God tasol. Ol i mas i no ken wosipim na onarim ol arapela God. Mipela olsem ol Kristen, i mas sevim na onarim em tasol. Mipela i no ken onarim ol arapela God nabaut.

Yu mas glasim gut mining bilong katim skin em yu toktok long en. Sapos dispela em i wanpela rot bilong askim ol tumbuna spirit long givim yu strong

na pawa, olsem wanpela Kristen, mipela i askim yu long yu no ken mekim dispela samting. Yu mas tok klia long ol pren na papamama bilong yu olsem yu save wosipim Lord God long nem bilong Jisas Krais. Bikos strong bilong yu i kam long em.

Tasol sapos dispela kastam pasin i bilong mekim yu kamap wanpela memba bilong klen bilong yu o kamapim mak long skin bilong yu long scim strong, yu ken go het na mekim.


Ol Jews tu i bin mekim wankain samting. Ol i mekim olsem long soim olsem ol i bihainim Lord God. Sen Paul i bin kisim wanpela Nasaret promis. Dispela i bin wanpela spesel samting long ol yangpela man long dispela taim. God i no egesim kain ol samting olsem. Taim ol namba wan sios i paitim toktok long sapos ol Jews i mas katim skin bilong ol, Paul i tok: "I nogat mining sapos wanpela man i katim skin bilong em o nogat. Bikpela samting i olsem wanpela man i mas bihainim ol lo bilong God (Korin 7: 19).

Yu mas luksave long em i min wanem long stap olsem wanpela Kristen Papua Niugini long eria bilong yu yet. Glasim kalsa bilong yu bihainim Kristen bilip bilong yu long Krais. Toktok long dispela samting wantaim ol arapela Kristen long klen bilong yu. Mekim save yu gat long Lord God bilong yu i kamap bikpela. Em i bin God bilong Papua Niugini pastaim long mipela i luksave long em long Jisas Krais. Yu mas abrusim tasol ol samting i toktok long ol arapela giaman God na spirit. No ken putim wanpela kain klos ol i kolim "Westen klos" na kolim dispela Kristeniti. Na tu no ken les long bihainim ol gutpela pasin kastam em ol i no egesim lo bilong God.

Long Papua Niugini wanpela Kristen i mas glasim gut Kristen pasin long wan wan pasin kastam na tredisen. Dispela em i wanpela bikpela samting tru long mipela. Bikpela God i ken helpim mipela na givim mipela save na tingting long luksave long ol lo bilong em. Na tu ol samting em i laikim mipela long bihainim.

Mi Laiplain.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong yu long hia.



Stretim danis ples...Bikpela wok i kamap nau bilong stretim gut ples bilong danis long Islander Hotel long Mosbi. Long poto, bos bilong Islander Travelodge Hotel, Murray Worthington i sanap toktok wantaim ol kontrak wokman husat i taitim bun long stretim simen banis em ol bai wokim raunim olgeta Konvensen Senta ples bilong danis. Poto: Rudolf Ayu.



# WANTOK

NIUSPEPA BILONG OL PAPUA NIUGINI STRET

# PABLIK NOTIS

Ph: Miri Alori Ext. 203

Jeffrey Malliou Ext. 216

Sapos yu laik advertais, telepon 25 2500 na askim long

## FRI BAIBEL KOS YU KEN KISIM SKUL LONG SALIM PAS

Salim num na edres long:  
WORLD BIBLE SCHOOL, Dept. PNG4  
P.O. Box 9346, Austin, TX 78766 USA



PORT MORESBY  
SHOW SOCIETY

1994 POT MOSBI SO

**JUN 11, 12, 13**


TUMBUNA SINGSING

Pot Mosbi So Sosaiti bai givim ol gutpela prais mani long ol singsing tumbuna grup. Ol singsing tumbuna grup i mas gat namba bilong ol lain i singsing namel long 15 na 30 pipel

PORT MORESBY SHOW OFFICE  
CNR. CRANTON & FRANGIPANI ST.  
HOHOLA  
P O BOX 6958  
BOROKO  
TELIPON NAMBA - 25 6579

Taim bilong opis i op: Mande i go inap Fraide  
- 9 klok moning i go inap 3 klok apinun  
Ol de opis bai op em: Fraide 4, Mande 7 na  
Trinde 9 bilong mun Februari.

## "NAISPELA BUK TRU..."



Nupela Buk i kamap pinis. Na em i naispela buk tru. Ol bratasusa bilong yumi yet i raitim ol stori bilong mekim klia Tok Bilong God. Painim nau long buksop long hap bilong yu.

**60t**  
tasol

## "...BUK BILONG PNG STRET"



CHRISTIAN BOOKS MELANESIA  
P.O. Box 488, Wewak E.S.P.


## DWYERS

OFFICE SUPPLIES  
PTY LTD

Telipon namba: 25 5855 Fax namba: 25 4343

MUN FEBRUERI 1994 SPESEL

- \* OL DAIRI BUK .... PRAIS GO DAUN LONG 20 PESEN
  - \* OL A4 SAIS 80GSM PEPA BILONG WOKIM POTOKOPI EM K4.99 LONG WANPELA RIM...MAN EM SPESEL PRAIS
  - \* OL A4 SAIS KARELIA PEPA BILONG WOKIM POTOKOPI EM K5.99 TASOL...EM TU EM SPESEL PRAIS
  - \* ORAIT SPESEL BILONG GO BEK LONG SKUL\* 20 PESEN DISKAUN I GO LONG OLGETA SKUL!!
- KAM KWIKTAIM...DISPELA GUTPELA SANS BAI STAP INAP OLGETA SAPLAI I PINIS!!



MINISTRI BILONG EDUKESEN

## TOK SORI

MINISTA BILONG EDUKESEN WANTAIM OL WOKMAN BILONG EDUKESEN DIPATMEN I LAIK SALIM BIKPELA TOK SORI BILONG OL I GO LONG LADY CAROL, OL PIKININI NA OL WANTOK LONG INDAI BILONG LEIT

**SIR BURI KIDU**

LONG SANDE JANUERI 30, 1994


LEIT SIR BURI BAI STAP LONG TINGTING BILONG OL MANMERI OLSEM WANPELA MAN HUSAT I NO SAVE WANSAIT NA I GAT NEM. EM I GIVIM BIKPELA HATWOK I GO LONG WOK BILONG LO INSAIT LONG KANTRI. MINISTRI BILONG EDUKESEN I SALIM BIKPELA TOK SORI I GO LONG INDAI BILONG WANPELA BIKPELA NA GUTPELA LIDA BILONG KANTRI BILONG YUMI.

EM I KEN MALOLO WANTAIM BEL ISI

ANDREW BAING MP  
MINISTA BILONG EDUKESEN



# DEPARTMENT OF LANDS AND PHYSICAL PLANNING



# NOTICE TO ALL LEASEHOLDERS

The department would like to remind all its clients of the following;

1. Lessees of leasehold properties that have not or continue not to comply with or have neglected to observe the improvement covenant or conditions of the lease, and.
2. Have failed to pay the lease rents and or have allowed arrears more than six (6) months, will be required to show cause why that lease should not be forfeited.
3. If lessees of leasehold properties have not received a lease rent advice for 1994 by February 14, 1994 or if you have any queries about your lease, please contact the relevant officers of the region and/or province where your lease is located.
4. If you have changed address please write your new address on the form below and fill in the information as required nearest lands office where you are.
2. Daika taunimanima eiava kompani ohe lalo boio emui lisi renti dia asio pay bona emui rent arrears vada emia hanai elavana hua taura-toi vada eahanai, ai se reva reva bai atore hen imuimu, emui lisi iabi lou dia dalanai. Umui na ai bame ha dibai mai dahaka dainai emui lisi basi abi hai mui, elavana basi abi lou.
3. Bema daidia tano o lisimu taumui rent advice in lagani 1994 do asio davari, na bona February 14, elavana mai-emui henanadai haida; mani emui kara baola o nohomu bona emui lisi oabi region or provins diai ba henanadai.
4. Bema daidia emui address o sensi neganai, emui address matamata dia ba tore ina "Form" ai bona ba siai emai ai, ela vana bai lao hai lands officers edekahai emui region elavana provins ai e gaukaramu taudia ba heni dia.

**NOTIS I GO LONG OL MAN NA COMPANIS I HOLIM LIS BILONG GRAUN.**

**DIPATMAN BILONG LANS I LAIK TOK SAVE LONG OL MAN NA KOMPANIS I HOLIM LIS LONG GRAUN OLSEM:**

1. Olgeta man or kompani i holim lis long graun na i no wok long graun long six mun bai kisim pas long Dipatment long toksave wai na lis bilong em bai Dipatment i no inap long kisim bek.
3. Sapos yu no kisim lis rent advais bilong 1994 inap long en bilong mun Februeri 14, 1994 or sapos yu gat sampela askim long lis bilong yu. Yu mas o yu ken askim ol officers long region or provins lis bilong yu i stap long em.

**LANDS DEPARTMENT ENA HAEDIBA HEREVANA UMUI DAIDIA TAUNIMANIMA EIAVANA KAMPANI, GAVAMANI ENA MO TANO OABI TAUMUI INA HAHEDIBA HEREVANA NA BA DUHAIA NAMO NAMO:**

1. Umui daika taunimanima elava bisinis taumui (kompani), gavmani ena lisi tano dia oabi bona una lisi asio ha guguru dia eivana una lisi taravatu dia asio badi nadia bona

Name of lessee: .....

Address: .....

Description of state lease:

Lessee no: .....

Allotment	Section	Town/City	Province
.....	.....	.....	.....

Portion	Milinch	Fourmil	Province
.....	.....	.....	.....

Authorised by: JOSEPH S. AOAE  
Secretary,  
Department of Lands &  
Physical Planning,  
PO Box 5665,  
BOROKO.  
N.C.D.

WORLD SEVENS - 1994

POOLS

Table listing Pool 1 to Pool 8 with teams like St George, Canterbury, Balmain, Parramatta, Penrith, Easts, Illawarra, Manly, Newcastle, Cronulla, Wests, Gold Coast, Brisbane, Norths, Fiji, Tonga, South Africa, Japan, PNG, Russia, France, Great Britain, USA, Western Samoa, New Zealand, Canberra.

DRAW

Table for Friday February 4 showing Time, Teams, and Game numbers (1-11).

Saturday 05/02/94

Table for Saturday 05/02/94 showing Time, Teams, and Game numbers (12-27).

Sunday, 06/02/94
Gates Open 10.00 am

Table for Plate Semi Finals showing Winner Game 25 vs Winner Game 26 and Winner Game 27 vs Winner Game 28.

Table for Trophy Semi Finals showing Winner Game 29 vs Winner Game 30 and Winner Game 31 vs Winner Game 32.

Table for Cup Semi Finals showing Winner Game 33 vs Winner Game 34 and Winner Game 35 vs Winner Game 36.

Table for Plate Final showing Winner Game 37 vs Winner Game 38.

Table for Cup Final showing Winner Game 41 vs Winner Game 42.

\* Games 43 and 44
7 minutes each way
3 minute half Time 1

PORT MORESBY MENS SOFTBALL ASSOCIATION

Week 16 Softball Draw 06/1/94

Table for Week 16 Softball Draw 06/1/94 showing Diamond 1, 2, and 3 grades with fixtures and umpires.

Note: Chebu (A grade) and Varsity (C grade)
All the teams that play these two teams will be given two points each. (auto matic forfeit).

PORT MORESBY WOMEN'S SOFTBALL ASSOCIATION INC.
1993 - 1994 SEASON - ROUND TWO
WEEK 16 - 05/02/94

Table for Week 16 - 05/02/94 showing Time, Diamond One fixtures, Grade, and Referees.

Table for Week 16 - 05/02/94 showing Time, Diamond Two fixtures, Grade, and Referees.

Table for Week 16 - 05/02/94 showing Time, Diamond Three fixtures, Grade, and Referees.

PORT MORESBY WOMEN'S SOFTBALL ASSOCIATION
POINTS LADDER AS OF JANUARY 29, 1994

Table showing Points Ladder for A Grade, B Grade, and C Grade teams.

MADANG SOFTBALL ASSOCIATION
1993 - 94 SEASON DRAW

Saturday February 5, 1994

Table for Saturday February 5, 1994 showing Diamond 1 fixtures.

Table for Saturday February 5, 1994 showing Diamond 2 fixtures.

Sunday February 6, 1994

Table for Sunday February 6, 1994 showing Diamond 1 fixtures.

Table for Sunday February 6, 1994 showing Diamond 2 fixtures.

Saturday February 12, 1994

Table for Saturday February 12, 1994 showing Diamond 1 fixtures.

Table for Saturday February 12, 1994 showing Diamond 2 fixtures.

Sunday February 13, 1994

Table for Sunday February 13, 1994 showing Diamond 1 fixtures.

Table for Sunday February 13, 1994 showing Diamond 2 fixtures.

GEREHU TOUCH ASSOCIATION
ROUND 14 DRAWS

Saturday 05/02/94

Table for Saturday 05/02/94 showing Time, Grade, and Teams fixtures.

Sunday 06/02/94

Table for Sunday 06/02/94 showing Time, Grade, and Teams fixtures.

Midweek Draws RD 15

Table for Midweek Draws RD 15 showing Time, Grade, and Teams fixtures.

Tuesday 08/02/94

Table for Tuesday 08/02/94 showing Time, Grade, and Teams fixtures.

Wed 09/02/94

Table for Wed 09/02/94 showing Time, Grade, and Teams fixtures.

Thursday 10/02/94

Table for Thursday 10/02/94 showing Time, Grade, and Teams fixtures.

GEREHU NETBALL COMPETITION
DRAWS

Saturday 05/02/94 - ROUND 3

Table for Saturday 05/02/94 - ROUND 3 showing Time, Grade, and Teams fixtures.

Sunday 06/02/94 - ROUND 4

Table for Sunday 06/02/94 - ROUND 4 showing Time, Grade, and Teams fixtures.

SOGERI VALLEY OFF SEASON LEAGUE
MAJOR SEMI FINALS DRAW
SUNDAY, FEBRUARY 6, 1994

RESERVE GRADE

Table for Reserve Grade showing TIME, FIXTURES, and REFEREE.

\* Winner of 10.00am game awaits grand final while loser will meet winner of 11.00am do or die game.

Table for Reserve Grade showing TIME, FIXTURES, and REFEREE.

\* Winner of 12.00am match to await grand final while loser will meet winner of 13.30pm do or die game.

NCD PEPSI OFF SEASON LEAGUE

Round Eight
Sunday, February 6, 1994
Kaugere Oval


Table for NCD PEPSI OFF SEASON LEAGUE showing Time, Teams (Oval One), Teams (Oval Two), and Teams.





Antap..Tim bilong Island Blues husat i bin winim gren fainal bilong C gret bilong Tatana ragbi lig kompetisen. Blues i bin winim T.I Warriors 6-4. Poto Lionel Yogomin.


Mulen Hairoi bilong Boroko Bowling klap i statim sisen bilong 1994 wantaim stail.



• Dispela em stail bilong Mosbi tenis asosiesen long las wiken.

• Dispela pilala i redi long paitim bal dispela em long taim C gret kriket tim bilong Colts i pilai wantaim Kemba long long las wiken.

• Pitsa bilong Fuji, Nick Balbal i redi long tromoi bal. Dispela em stail bilong Mosbi sofbal long las wiken. Poto John Rgi



• Dispela tupela boksa i mekim save long pait. Dispela em long taim bilong wanpela boksing sempionsip ol i holim long Buka long las yia. Ol opisal long Buka i tingting long kamapim ken ol kain sempionsip bilong ol boksa.

• Tupeja pilala bilong PTC i givim sapot long narapela na ran wantaim bal kain stail tasol i mekim na PTC i winim gren fainal.



• PNG tim husat bai pilai long Wol ragbi lig sevan kompetisen. Stat long lephan na i go em Buddy Dou (kosa), Aquila Emil, Philip Boge, Luke Waldiat, David Buko, Michael Toivita, Tuksy Karu, James Miviri, Stanley Haru na John Lynch (trena).

## Kos bilong basketball kamap long Mosbi

WINIS MAP I raitim


"YU mas tokim ol arapela pipel long basketball, stori long ol long basketball. Yu mas lainim ol arapela pikinini na ol pipel long pasin bilong pilai basketball." Dispela em ol toktok spot kodineta bilong NCDC, Jackson Sarea i givim long taim ol i givim aut setifiket i go long sampela skul pikinini husat i bin stap insait long wanpela besik basketball klinik. Dispela ol sumatin i bin stap insait long tupela de kos bilong basket-

bal. Ol skul sumatin i lainim ol besik samting bilong pilai basketball na tu lainim sampela lo bilong pilai. Sampela bilong ol dispela sumatin i tok ol i no save pilai basketball. Tasol ol i save laik long pilai na lanim ol stail bilong pilai. NCDC wantaim PNG Spot Komisin i bin kamapim dispela kos. Long taim bilog skul holide PNG Spot Komisin i bin rainim skul holide spot program we ol save man bilong sampela pilai olsem ragbi tas, ragbi lig na ol arapela pilai i bin kamapim na lainim ol skul manki.

Basketball tu i bin wanpela long ol dispela pilai ol i kamapim dispela program. PNG Spot Komisin i bin kamapim dispela kos na ol vlain long NCDC i go na helpim ol.

Jackson Sarea wantaim wanpela volentia, Peter long ranim dispela kos. Dispela kos i bin kamap long Januari 26 na pinis long Januari 27.

Tupela sumatin Tessie Sarea na Betty Terry i tok ol i amamas tru long go long dispela kos.



• Stat long lephan na i go, Phillip Boge, Aquila Emil, James Miviri, Tuksy Karu na Michael Toivita i mekim save long trening.

## Ol Mekeo salim tok lukaut long NCD volibal

LOUIS WARIMI i raitim

"MIPELA bai stap sempion longpela taim tru," kepten na straiika Victor Aisa i tok taim tim bilong em i winim 1993 Tony Huai volibal kap long ol Roosters husat i bin olupela sempion.

Pastaim long em i mekim dispela tok-tok, tim bilong em Auhiohio i bin kilim paia bilong Aipeana Yut long gren fainal bihain long ol i winim 27 tim bilong Mekeo bilong kamap long

fainal.

Auhiohio i bin winim Aipeana Yut, 60-48. Dispela i bin kamap bihain long ol i winim tripela set na Aipeana Yut i winim wanpela. Bihain tasol long pilai ya, bikipela pati bilong amamasim win bilong Auhiohio i kamap na i bin gat danis tu.

Dispela Tony Huai Volibal Kap i stap inap 4-pela yia nau. Resis i bin stat long 1991. Long dispela taim, tim bilong ol boi

Makaraua bilong ples Yaku i bin winim taitel. Long 1992 Roosters i kisim na nau taitel i stap long han bilong ol boi Auhiohio.

Auhiohio tim i salim bikipela tok lukaut bilong em i go long NCD Volibal Asosiesen olsem ol i mas lukaut. Long wanem, ol bai kam wantaim wanpela strongpela tim tru bilong pilai long Ista Wiken.

## Olpela Kumul helpim op sisen

i kam long pes 28

Na long las wik yet Segeyaro i bin baim hat wok bilong ol yangpela manki bilong ples na baim mekpas yunifom em i kos moa long K1,500.

Ol manki long ples Kerenaga i save pilai long wanpela ragbi lig kompetisen long ples long Bena. Bena vilis lig i gat 9-pela tim i resiswanpela long ol em Lapatoga Raiders.

SAPE METTA i raitim

SPIDERS ragbi lig klap bilong ples Kafuku insait Isten Hailans provins husat i save pilai long Maringa op sisen lig nau i gat nupela yunifom pinis.

Ol boi Spiders i no gat yunifom bilong pilai na ol i bin pilai yusim kain kain kala yunifom. Stat long pri sisen i kam inap long las wiken

Spiders i no bin yusim wanpela yunifom. Ol i bin kisim dispela nupela yunifom long las wik Fraide.

Tasol dispela i no bin, statpim sans bilong Spiders long kamapim pilai. Spiders i wanpela long 16 tim husat i save resis long Maringa op sisen lig. Long dispela 16 tim

Spiders i wok long stap namba tu long poin lata. Ol i namba tu long Kabiufa Eagles husat i go pas long poin lata.

Ol pilai na klap opisal i bin wok hat tru long traime painim sponsa long baim ol yunifom. Tasol ol i no giv ap long painim sponsa. Nara-pela samting em ol i no bin kisim ol dispela yunifom long isi we. Ol pilaia na sapota i bin bungim mani inap long

K500.

Bihain ol i bin go askim Sir Danny Leahy long helpim ol na em i givim ol K1,000. Kain helpim Sir Danny i givim i bikipela tru na dispela tu i helpim tru ol pilaia.

Provinsal memba bilong Gahuku i bin

opim bokis em yunifom i stap na givim i go long kepten bilong tim. Planti ol sapota na pilaia i bin amamas tru.

Klostu sisen i pinis na ol i gat tripela wik tasol i stap pastaim long fainal i kamap.

## Morobe skul spot program bai go het yet

BIKPELA amamas, lap na kain kain nois i bin kamap long Sir Ignatius Kilage Stadium long Lae las wik.

Long wanem, opis bilong PNG Spot Komisen long Morobe wantaim gutpela sapot bilong Rice Industries kampani i bin kamapim wanpela spot program bilong ol skul pikinini husat i bin stap long holide.

Long dispela taim, ol skul pikinini i resis long 5-pela pilai. Ol i pilai volibal, basketball, resis long swim na ron na pilai ragbi tas.

Long taim bilong resis, ol bikman i brukim ol i go insait long tripela grup. Namba wan

em ol i kolim olsem Mangis bilong ol yangpela long komuniti skul, orait bihain em ol Yangpelas na Lapuns bilong ol haiskul yet.

Bihain long olgeta resis, Haikoast komuniti skul i winim namba wan prais bilong Mangis grup na Busu haiskul i autim tupela taitel wantaim bilong ol Yangpelas na Lapuns.

Larry Koko na Philip Lavatu bilong Morobe Spot Komisen i bin wokim kamap dispela spot program. Na em i sut long rot bilong kirapim bel na tingting bilong ol pikinini long stap insait moa long ol kain kain pilai taim skul i stat inap

long Krismas.

Bos bilong PNGSC long Momase rijon, Bruce Barnard i tok olsem dispela skul spot program bai stap yet inap long 1994 skul yia i pinis.

Em i tok, "Dispela em i wanpela bikipela rot PNGSC i laik bihainim bilong kirapim na sutim bel bilong ol yangpela long go insait moa long ol pilai na kain kain samting bilong amamasim ol yet."

Long wanem, Barnard i tok spot em i wanpela bikipela rot bilong kamapim gutpela man na meri long taim bihain.

Maketing Menesa bilong Rice Industries, Neville Whitecross i bin makim kam-

pani bilong em na givim sil i go long ol skul husat i win. Long dispela taim, em i tokaut tu olsem kampani bilong em bai go het yet long sapotim olkain gutpela spot olsem.

"Rice Industries i amamas tru long sapotim kain spot program olsem. Em i olsem ensin bilong kirapim na suvim nus bilong ol yangpela long mekim samting, bikos nogat, ol bai stap nating na skin i dai nabaut.

"Sapos PNG i gat moa kain program olsem, mi save olsem hevi bilong lo na oda tu bai go daun," Whitecross i tok.



• Dispela tupela bikman ya i solim nupela yunifom bilong Spiders em Sir Danny i helpim ol long baim.



• PTC tim husat i bin winim gren fainal kik bilong ol merl long pablik sevan kompetisen long las wiken. Ol i bin winim Yunivesiti 1-0. Foto Lionel Yogomin.

# PNGBC em nupela pablik sevan sempion

## WINIS MAP I raltim

PNGBC i nupela sempion nau bilong ol man long pablik sevan soka kik long Mosbi. Ol boi bilong Namba wan haus moni i bin sutim tripela gol long winim Works taim dispela tupela tim i bung long gren fainal long Sande.

Works husat i winim taitel long 1992/1993 sisen i bin traime long banisim dispela taitel tasol ol i no inap stapim PNGBC. Ol boi bilong PNGBC i bin bagarapim tingting bilong Works taim swipa Raymond Bonjui i sutim namba wan gol.

Dispela gol bilong Bonjui i bin kamap taim wanpela pilaia bilong Works i wokim paul kik na referi John Silikara i givim penalti i go long PNGBC. Bonjui i kikim bal klostu long namel bilong fil na bal i go stret na pas long umben. Goli bilong Works, Benny Tamasi i no stapim na bal i go pas long umben.

Works i lukim dispela na stat long banisim umben tasol dispela i no bin stapim Alois Wabianik wantaim ol boi bilong em long brukim banis. Works i lukim ol fowat bilong PNGBC i strong na larim Paul Moang long go insait.

Dispela tu i no bin helpim Works bikos wok bung namel long Paul wantaim Posini N'Drihin na ol arapela pilaia i no bin gutpela. Beklain bilong

Works em Duri Yarawi i go pas i bin wok hat tru long stapim PNGBC. Tasol hevi i stap long ol fowat olsem na Works i lus.

Joe Kairi i bin soim stail bilong em na sutim tupela gol bilong PNGBC. Wanpela gol bilong Koiri i bin kamap taim Kawatan Pombuai i kisim kona kik na bal i go na pas long Koiri. Em i no westim taim na pairapim umben bilong Works.

Works i no bin kamapim stail bilong kik bilong ol em ol i save pilai. Long Sarere ol i bin kamapim gutpela pilai na stapim Finance long win. Tasol long Sande ol i no yusim dispela stail bilong kik na PNGBC i nekim ol.

Ol fowat i pulim bal tumas na i no setim ol straika long skoa dispela i wanpela bikpela hevi Works i bung na ol i lus.

Long gren fainal bilong ol meri ol susa bilong PTC i soim het strong bilong ol na winim Yunivesiti 1-0. PTC i bin sutim wanpela gol long namba wan hap na ol i traime long sutim narapela gol tasol ol meri Yuni i banisim ol tru. Yuni i traime skoa tasol difens bilong PTC i bin strong tru long beklain.

Bihain long gren fainal kik presiden bilong pablik sevan soka, Francis Kasau i tok em i bin amamas tru long lukim tupela gren fainal i pinis gut. Em i tok gren fainal bilong dispela yia i gutpela bikos ol pilaia i pilai gut. Narapela samting em ol sapota i no bin kamapim sampela kain trabel long taim bilong pilai.

## Vanimo lig bai gat anda 19 resis gen

VANIMO Ragbi Lig (VRL) long namba wan taim bai holim pilai bilong ol anda 19 divisen long dispela yia.

Taim ragbi lig i stat long Vanimo, ol i save larim tasol A gret na A risev gret long pilai. Tasol long dispela yia Vanimo i tingting tu long larim ol anda 19 long pilai. Dispela i bihainim tasol tingting bilong Papua Niugini Ragbi Lig (PNGRFL) long promotim ol yangpela pilaia long ol liklik senta olsem Vanimo.

Dispela tingting long holim pilai bilong anda 19 tu i gutpela bikos i gat planti yangpela i save tingting long pilai. Long pastaim ol yangpela i save painim hat long pilai long risev gret. Bikos i gat sampela pilaia husat krismas bilong ol i winim 19 i save pilai long risev gret.

Vanimo i afiliat pinis i go long PNGRFL olsem na ol i no inap bungim kain hevi em ol i bin bungim long las yia. Bikpela tingting bilong ol opisal nau em long traime ranim gut pilai inap pilai i pinis.

Nau yet Vanimo i redi tasol long statim pri sisen gem. VRL i tingting

long statim ol pri sisen pilai long neks wiken. Ol i laik statim pri sisen hariap bikos ol i laikim ol pilaia long baim pilaia registresen na traime kamapim pilai.

Long dispela yia VRL bai gat 6-pela klap i resis. Ol dispela klap em Royals, Tarangau, Hawks, Sea Eagles, Brothers na Works Tigers. Wima Wests bai no inap pilai long dispela yia, ol i bin tingting long putim tim tasol i luk olsem ol boi bilong ples Waramo i no inap pilai.

Nupela tim Tarangau bai wanpela tim husat bai traime long kamapim ol gutpela pilai. Wantaim helpim bilong Daniel Maskim, Tarangau bai traime long daunim ol nem tim olsem Hawks na Tigers.

VRL long las wik i bin bungim hevi long taim ol i traime long makim ol nupela eksekutiv long lukautim opis. Long taim ol i makim Gordon Damwat olsem nupela presiden sampela hevi i kamap na ol i no makim ol arapela eksekutiv memba. Olsem na ol bai traime holim kibung ken na makim ol arapela eksekutiv memba.

## PNG Kumul tim gat sans

I kam long pes 28 Hagen. Long pastaim ol i bin makim Joseph olsem kepten.

Tasol taim tim dokta i sekim olgeta pilaia em i painim Joseph na Gomia i gat hevi olsem na em i askim ol selekta long makim tupela man long senisim tupela pilaia. Joseph na Gomia i bin kisim bagarap yet long ples tupela i stap long em. Na taim ol i kamap long Mosbi long traime trening

wantaim ol arapela pilaia long Mosbi tupela i no bin trening gut bikos long bagarap tupela i kisim.

Sampela pilaia i bin pilai pinis long Wol 7 olsem na ol bai traime na go pas. Ol lain husat i pilai pinis bipo em Stanley Haru, Aquila Emil, Tuksy Karu, Michael Toivita na Philip Boge. Ol bai go pas long long arapela pilaia husat i no pilai yet long Wol 7 kompetisen.

## Spot opis laik lukim ol developmen plen

PROVINSAL spot opis long Goroka i askim olgeta spot asosiesen insait long Isten Hailans provins long wokim ol spot developmen plen bilong ol sapos ol i laikim helpim i kam long provinsal spot opis.

Siaman bilong Isten Hailans provinsal spot kauns. Ralph Siowe i tok em i taim nau ol spot asosiesen i mas wokim ol plen bilong ol long wanem kain samting ol bai mekim long traime kamapim wan wan

pilal insait long provins. Em i askim ol long wokim ol gutpela plen long traime kamapim gutpela vuk administresen na wokim ol gutpela ples bilong pilai.

Siowe i tok provinsal i wok long givim sapat long spot na i wok long givim mani long helpim ol kain kain pilai long kamap gut long provins. Tingting bilong provinsal gavman em long developim kain kain pilai long provins.

Tasol nau yet i luk olsem

sampela spot asosiesen i no ran gut na wok ong bungim hevi. Taim sampela olsem ragbi lig na etletiks i wok long kamapim gutpela nem long provins na dispela em i gutpela tru.

Long helpim mani na ol samting provinsal spot opis i givim long ol spotin bodi long taun na ples ol i save ranim tu ol kos long Nesenel Spot Institut (NSI).

Na em i givim bikpela tok luk autim i go long ol spot

asosiesen long redim ol yet. Em i tok wanem ol spot asosiesen i givim developmen plen bilong ol i go long spot opis bai kisim helpim. Na ol lain husat i no givim developmen plen bai no gat helpim.

Provinsal gavman long dispela yia i bin givim K50,000 long wok bilong spot. Olsem na spot opis i laik painim aut tru wanem ol spot bodi i mekim gut wok bilong ol na ol bai givim ol helpim.

## Namba tu bosim Kavieng sofbal

KAVIENG Sofbal Asosiesen nau i gat nupela ol eksekutiv husat i kisim ples bilong ol olpela eksekutiv. Ol i bin makim ol dispela nupela eksekutiv long las wik Mandé bihain long ol klap opisal i sindaun na holim wanpela kibung.

Olpela namba tu presiden, Lamomo Tamekus nau i kisim wok olsem presiden bilong asosiesen. Ol nupela eksekutiv bilong asosiesen em Tamekus (presiden), Dickson Dairus (namba tu presiden), Delta Nates (Seketeri), na Martin Namur (tresera).

Tamekus i kisim ples bilong olpela presiden Gerald Panambung, Nates i kisim ples bilong Sition Kasuit olsem seketeri na Namur i kisim ples bilong Kawai Votangas olsem tresera.

As bilong holim dis-

pela nupela ileksen em ol pilai i no bin kamap gut tumas bikos ol opisal i no save go pas long ranim ol gem. Pilai i bin pundaun bihain tasol long Malangan sofbal tonamen em ol i holim long Kavieng.

Planti tim i no kamap long ples bilong pilai na dispela i bin givim hat taim long ol arapela tim husat i kamap. Planti ol pilaia i bin tingting planti na ting Kavieng sofbal asosiesen bai no inap pinisim gut pilai.

Olsem na ol i bin holim wanpela kibung long las wik Mandé na long dispela taim ol i bin makim ol nupela opisal. Dispela ol nupela opisal i no laik bagarapim ol pilai na go stret long stretim ol pilai.

Nau yet Kavieng sofbal asosiesen bai no inap pilaim ol gem bilong raun tu. Bikos ol

i pilaim olsem ol i no gat taim long go insait long raun tu.


Ol i gat tripela moa gem i stap pastaim long raun wan i pinis. Tasol ol nupela

eksekutiv i tok ol bai pilaim tasol dispela tripela gem na stretim poin lata. Wanem 6-pela tim i stap antap long poin lata bai go insait long fainal.



• Duri Yarawi man husat i bin wok hat tru long beklain bilong Works. Works i no strong na PNGBC i winim ol 3-0 na winim taitel bilong pablik sevan soka.

# WANTOK SPOTS



## OLPELA KUMUL HELPIM OP SISEN LIG RESIS

SAPE METTA i rattim ... tasol em i no save isi

"MANI na ol samting i no save kamap isi na long kisim wanpela sponsasip long ol bisnisan i no isi tu."

Dispela em ol toktok olupela Kumul pilaia, Iff-isee Segeyaro i mekim taim em i givim ol nupela mekpas yunifom i go long tim long ples husat i save pilai long wanpela op sisen resis ausait long Goroka taun.

Long taim em i givim dispela mekpas yuni-

fom, em i tokim ol pipel olsem nau long dispela taim, planti pipel na tim opisal i save go aut na askim ol kampani na bisnisan long kisim sponsasip. Em i tok planti nau i no save mekim wok pastaim long ol i go askim ol arapela lain long helpim.


Segeyaro em i wanpela bisnisan na em i tokim ol pilaia na klap opisal bilong Lupatoga Raiders olsem i no gat

wanpela samting bai yu kisim fri. Em i salensim ol long wokhat sapos ol i laikim samting.

"Mipela olgeta i save olsem i no gat wanpela samting em isi na fri. Mi bin wok hat na nau mi kamap wanpela bisnisan man. Sapos wanpela i laikim samting em i mas wok na bihain em i ken kisim samting em i laikim," Segeyaro i tokim ol pilaia.

Long taim ol yangpela manki bilong pls Kerenaga i go lukim em long kisim sponsasip. Em i bin askim ol dispela lain long mekim sampela wok na bihain em bai helpim ol long baim nupela ol yunifom. Ol yangpela i bin tok orait long tingting bilong em na mekim sampela wok na ol i bin pinis dispela wok long las wik Trinde.

i go moa long pes 26



• Tupela pilaia bilong Raiders, Hetti Taura (lephan) na Wille Wesi i traim nupela yunifom. Poto Sape Metta



• Iffysee Segeyaro long namel wantaim ol pilaia na opisal bilong Lupatoga Raiders i soim nupela yunifom.

## Kokopo tim traim bun long Rabaul

WANPELA soka tim bilong Kokopo i soim pinis laik long kik long Rabaul Soka Asosiesen (RSA) long dispela yia.

Kokopo Soka Asosiesen (KSA) i bin bungim hevi long las yia olsem na kik i no kamap gut. Kokopo i gat soka asosiesen bilong em yet na ol i save kamapim kik long hap.

Tasol long dispela yia wanpela tim long Kokopo i tingting pinis long soim pes long Rabaul soka. Ol boi long Kokopo bai go kik long Rabaul bikos ol i ting olsem asosiesen bilong ol bai no inap statim kik long dispela yia.

Dispela tim bilong Kokopo i bin givim nem bilong ol long RSA eksekutiv taim ol i sindaun long

wanpela kibung long las wik Tunde. Ol eksekutiv i bin tok orait tasol long kisim tim bikos ol i bin tingting tu long ksim sampela nupela klap.

Long dispela taim tu Kalibobo soka tim i givim nem bilong ol pinis. Kalibobo long las yia i bin pilai aninit long nem bilong St Pauls tisa kolis long Vunakanau. Ol i bin kik long risev gret tasol long dispela yia ol manki Madang i tingting strong tru long putim wanpela tim bilong ol yet.

Nau yet ol tim husat i givim nem pinis long kik em Vudal, Kalibobo, Vitiaz, Travellodge, PTC na wanpela tim long Kokopo. Sampela tim husat i kik ong las yia i no givim yet nem. Wanem tim i laik kik long dispela yia i mas givim nem hariap.

### 1994 PNGFA (SOCCER) CALENDAR

Date	Event	Venue
23-24 February	FIFA Seminar for 1994 World Cup Finals	New York
04-06 March	8th AGM of Inter. FIFA Board	Switzerland
04-18 March	Referee's Instr. Seminar for 1994 World Cup Final Competition	Dallas (USA)
08-21 March	Preliminary Coaching/Refereeing	Kainantu
0-14 May	Basic Coaching	Wabag
08-21 May	Meeting of Standing Committees	Zurich
04-17 June	Basic Refereeing	Popondetta
07 June-17 July	1994 FIFA World Cup	USA
20-24 June	Preliminary Coaching/Refereeing	Mendi
24-26 June	National Women's Championship	Port Moresby
25-28 June	Junior Development Camp	Manus
28-30 June	Preliminary Coaching/Refereeing	Carteret Island
03-10 July	Level 1 Coaching	Lae
03-10 July	Class 1 Refereeing	Lae
04-08 July	Junior Development Camp	Kavieng
11-13 July	Class 2 Refereeing Course	Rabaul
04-17 July	National Club Championship (Men)	Rabaul
24-31 July	Level 1 Coaching	Madang
05-12 August	Oceania Women's Qualifying Tournament	Port Moresby
08-12 August	Basic Coaching	Esat'Ala
11 August	General Meeting	Port Moresby
August	Melanesian Cup Finals	Honiara
05-10 September	"Futuro" FIFA/Coca Cola Dev. Course	Goroka
06-18 September	Under 16 National Championship	Goroka
September	Oceania U20 Tournament	Fiji
04-18 September	Basic Coaching	Rabaul
06-30 September	Junior Development Camp	Goroka
04-16 October	PNGFA Cup	Madang
15 October	AGM	Madang
16 October	Player of Year Award	Madang
24-28 October	Basic Coaching	Central
08-20 November	B&H Golden League Finals	Lae

NB: For all PNGFA tournaments, all centres eligible to participate. First 12 teams to nominate with non-refundable K100 fee four weeks prior to tournament. All nominates must be direct to secretary.

## PNG Kumul tim gat sans

WINIS MAP i rattim

PLANTI pipel husat i save bihainim ragbi lig long Papua Niugini i gat bikpela bilip olsem PNG Kumul tim em Aquila Emil i go pas olsem kepten bai kamapim gutpela pilai Coca-cola Wol Lig Seven tonamen em bai stat long Februari 4 na pinis long Februari 6.

Kosa bilong tim Buddy Dou na trenamenesa John Lynch i gat bikpela bilip olsem PNG bai winim pilai. Dou i bin tokim ol lain husat i kamap long wanpela liklik bung em Winfield smok kampani i holim Mosbi Ragbi Lig (PRL) klap haus i tok tim bilong em bai kamapim gutpela pilai. Na em i bilip ol bai winim pilai na go long fainal.

Lynch i tok PNG i gat gutpela sans long winim Fiji na Saut Afrika. Maski Fiji i gat nem long kamapim sampela gutpela pilai long taim bilong Wol 7 long bipo tasol PNG bai stapim ol.

Tim bilong PNG Kumul long Wol 7 lig resis long pipo i gat sampela ol fowat pilaia. Tasol tim bilong nau i gat olgeta ol beklain pilaia tasol. Na displa i gutpela bikos olgeta dispela ol beklain pilaia i gat spit.

Long dispela taim tu memba bilong Mosbi Not Is

na siaman bilong NCDC, David Unagi i tokim ol' long kamapim gutpela pilai bikos olgeta pipel long PNG na wol bai lukluk long ol long televisen. Em i tokim ol long kamapim gutpela pilai na winim pilai long kamapim nem bilong PNG long ragbi lig.

Dispela bai namba tri taim bilong PNG long stap insait long Wol 7 lig kompetisen. Long las yia ol olgeta memba bilong tim i bin kam long Mosbi na ol i kolim dispela tim Vipers.

Planti pilaia bilong dispela yia tu i kam long Mosbi taim wanpela tasol i kam long Goroka. Tupela pilaia husat i stap long Australia na bai jonim ol arapela memba long Sidni em Ric Emmanuel na Mark Mom. Ric na Mark i save pilai long Canberra Raiders long Australia.

Tim husat i go daun long pilai em Aquila Emil (kepten), Michael Toivita, Tuksy Karu, James Miviri, Philip Boge, David Buko, Stanley Haru, Luke Wakdiat, Ric Emmanuel na Mark Mom. Kosa em Buddy Dou, Trenamenesa John Lynch na tim doka em Gideon Kendino.

Haru na Waldiat i senisim ples bilong August Joseph bilong Rabaul na David Gomia bilong i go moa long pes 27





Hepi Niu Yia Olgeta !!

# REBO



TUMBUNA! KIRAP! MI YAH, AUDA! KIRAP! MI, PAPA NA MAMA KAM PINIS!!

222 UH-

AUDA? WE?!



TUMBUNA MERI HARIM NEK BILONG AUDA NA WANTU EM KIRAP NA HOLIM PASIM EM...

OOH (SOB) TUMBUNA YU KAM PINIS!

EM NAU, BIBU! MIRELA KAM RAUN!



EM I AMAMAS TRU LONG LUKIM OLGETA...

HAO, MAMA! YU ORAITAH? MAN! YU LUK STRONG YET YAH!

(SOB!) REBO! MI TING BAI YU NO INAP KAM LUKIM MI MOA!



HEY, MAMA! TUPELA ARERE NA TALMAKU GO WE? MI LAIK GO PAINIM PIS WANTAIM TUPELA!

TUPELA BRATA BILONG YU GO PINIS LONG PAINIM PIS NAH! TRAIPELA MONGING TRU OL I GO NAH!



HARIAP TRU REBO RON I GO AUTSAIT NA KISIM KANU BILONG PAPA BILONG EM NA GO BIHAINIM OL BRATA BILONG EM...

HEY, REBO, WEI PASTAIM... KAIKAI PASTAIM NA YU GO PAINIM OL!

MAKI! MI GO PAINIM TUPELA BOIS PASTAIM!!



LUIUFF! MAN! KANU BILONG PAPA I HEVI TRU NAH! UIUFF!



# HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

**WANTOK**  
NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!

INO DIA TUMAS. 40¢ TASOL!

EASTERN UNION OF KAINANTU


EASTERN UNION OF KAINANTU



MANDAWALI 'NAKIN'



SHUTDOWN 'A VOTONG'




PURARI KAVAEA 'ARUMA'



JUNIOR GADAGADS OF MADANG

JUNIOR GADAGADS




ENI AND THE SANDERS 'NUS ISLAND BILONG MI'



FESTALIGHT - 'CHRISTMAS I KAM KEN'




VUVU VIBRATIONS 'VUI TATI'



# Musik long Danis, Kirapim skin blong yu!

## Pacific Gold i Pairap!

# SWIT MOA PASIM TRAI BOL PAIT



# SUPA SWIT MOA

**TUPELA PLES LONG HAILANS I GIAT BEL HEVI!!!**

**OL I LAIK KIRAPIM PAIT LONG OL YET!!! EM NAU, TRAI BOL PAIT BAI KAMAP!!!**

**OL I REDI NAU LONG PAIT!!!**

**OL BONGI I LAIK BIKHET LONG YUMI!!! BAI YUMI SOIM OL HUSATT I STRONG!!!**

**OL SONGI I TING OL I MOA YET! BAI YUMI LAI NIM OL!!!**

**OH-NO! DISPELA KAIN BAI BIKPELA MOA I KAMAP!!!**

**KILIM OL! NOGAT MARI MARI!**

**KILIM OL! NOKEN GIWIM GANG LONG OL!**

**WANTU EM SUT I GO NA SANAP NAMEL LONG OL NA PASIM TUPELA!!!**

**STOP PAIT! STOP NAU TASOL!!! PAIT INO GUTPELA SAUTING!!!**

**KAMON! YUMI SINDAUN NA STRETIM DIPPELA BEL HEVI!!!**

**AIYAAA!!! YUMI OI GETA TRAI BOL NAU! EM SUPA SWIT MOA TASOL!**

**EYAKAYE! EM I STRONG MOA LONG YUMI!**

**EYAAHH! EM SUPA SWIT MOA TASOL!**

**OL I KILIM PIK BI-LONG MI, OI SEM NA MIPELA I KROS LONGS DISPELA!**

**NO KEN WARI, BAI MIPELA BEKIM TUPELA PIK LONG YU!**

**OKE, GUTPELA! NAU YUTUPELA CHIF I SEKHAN NA KAMP OIEM OL BRATA TRU!**


**SORI BRO!**

**SORI TRU BRAS! NO MOA WARIS!**

**KIOSTU WEL MOA TRI KAMAP!!! TASOL S.S.M PASIM!**

# MUSIK NA TELEVISEN

PAPUA NIUGINI



**I KAM LONG Ela Motors**  
OL WIL BILONG NESEN

## AMERICAN TOP FORTY

AS AT 22/01/94

CUR.	TITLE	ACT NAME
1.	Hero	Mariah Carey
2.	Please Forgive Me	Bryan Adams
	All For Love	Adams/Stewart/Sting
4.	All That She Wants	Ace Of Base
5.	Breathe Again	Toni Braxton
6.	Again	Janet Jackson
7.	I Can See Clearly Now	Jimmy Cliff
8.	Because The Night	10,000 Maniacs
9.	Linger	Cranberries
10.	Said I Loved You.. But I Lied	Michael Bolton
11.	Mr Vain	Culture Beat
12.	Choose	Colo Me Badd
13.	What Is Love	Culture Beat
14.	I'd Do anything For Love	Meat Loaf
15.	Found Out About You	Gin Blossoms
16.	Shoop	Salt-N-Pepa
17.	Miss You In A Heartbeat	Def Leppard
18.	Amazing	Aerosmith
19.	The Power Of Love	Coline Dlea
20.	The Sign	Ace Of Base
21.	Dreams	Gabrielle
22.	Can We Talk	Tevin Campbell
23.	Jessie	Joshua Adleoa
24.	Life (everybody Needs )	Haddaway
25.	Higher Ground	UB40
26.	No Rain	Blina Maiona
27.	Queen Of The Night	Whitney Houston
28.	Will You Be There	Heart
29.	Daughter	Pearl Jason
30.	All About Soul	Billy Joel
31.	Dreamlover	Mariah Carey
32.	Hey Mr D.J.	Zhane
33.	Sweet ( A La La La Long)	Inaer Clide
34.	Cryin'	Aerosmith
35.	Having A Party	Rod
36.	IF	Janet Jackson
37.	Just Kickin' It	Xscape
38.	The River Of Dreams	Billy Joel
39.	Now And Forever	Richard Marx
40.	Something In Common	Bobby/Houston

Hapman tru ya...Cyril Lumbia (lephan) em wanpela tisa bilong Creative Arts long Mosbi. Em i save lainim ol sumatin long wokim ol vidio kos. Em i bin go pas na wokim tupela musik vidio klip bilong Sauga Mel wantaim Prum na Prum. Foto: James Kila.

## PNG musik na vidio kukim Tores Streit

IAN KAKARERE i raitim

PLANTI pipel bilong Tores Streit ailan namel long Papua Niugini na Australia i laikim tru ol kaset na vidio tep bilong Papua Niugini. Na ol i wok long baim nau planti bilong dispela tupela samting long ol stua long hap bilong ol.

Mekim na planti manmeri long hap bilong Wes Kiwai na Pamoturi long Westen provins i wok long mekim save long baim ol musik kaset na vidio tep bilong Papua Niugini.

Wanpela ripot i tokat olsem ol pipel bilong Westen provins i baim ol Papua Niugini musik kaset long ol stua long K6 long wanpela. Na bihain ol i save salim long ol pipel bilong Tores Streit ailan

long K35 long wanpela. Na long ol vidio tep, ol i baim long K40 long wanpela na salim long ol pipel bilong Tores Streit ailan namel long K140 na K175.


Ol pipel bilong Westen provins i wok long salim planti bilong dispela tupela samting long ol manmeri long Saibai, Dauan na Boigu ailan long hap bilong Tores Streit.

Dispela ripot i tok planti manmeri na pikinini long Tores Streit i save laikim tru musik kaset bilong Henry Kuskus.

Ripot i tok tu olsem ol manmeri long Tores Streit i save laikim tru long harim Redio Westen. Bikos long dispela, ol i save salim planti pas i kam long Redio Westen. Na askim ol anaunsa long pilaim ol singsing ol i laikim long en.

## EMTV TELEVISEN

THURSDAY 3RD FEBRUARY, 1994		FRIDAY 4TH FEBRUARY, 1994		SATURDAY 5TH FEBRUARY, 1994		SUNDAY 6TH FEBRUARY, 1994	
5.27	STATION OPEN	11.27	MEDITATION WITH PASTOR WALO ARNI	11.57	MEDITATION WITH PASTOR WALO ARNI		
5.30	ITN NEWS (G)	11.30	STATION CLOSE	12.00	STATION CLOSE		
6.00	TODAY SHOW (G)						
8.00	SESAME STREET (G)	5.27	STATION OPEN	8.57	STATION OPEN		
9.00	STATION CLOSE	5.30	ITN NEWS (G)	9.00	INTER-STATE CRICKET		
2.57	STATION RE-OPEN	6.00	TODAY SHOW (G)	12.30	GILLETTE		
3.00	KIDS KONA (G)	8.00	SESAME STREET	1.00	CRICKET		
	SESAME STREET	9.00	STATION CLOSE	5.00	NATIONAL EMTV (G) NEWS	4.00	RUGBY SEVENS INTERNATIONAL
4.00	KIDS KONA	2.50	STATION RE-OPEN (G)			5.00	NATIONAL EMTV NEWS
	FAT CAT (G)	2.57	EMTV TOK SAVE			5.30	RUGBY SEVENS INTERNATIONAL
4.30	TOP CAT (G)	3.00	KIDS KONA (G)			6.30	DISNEY MOVIE (G)
5.00	GHOSTWRITER (G)	4.00	FAT CAT & FRIENDS (G)			8.00	NCDC NEWS (G)
5.27	EMTV TOK SAVE	4.30	TOP CAT (G)			8.20	TOK SAVE
5.29	EMTV NEWS BREAK	5.00	GHOSTWRITER (G)			8.30	BURKE'S BACKYARD
5.30	HOME AND AWAY (G)	5.27	EMTV TOK SAVE			9.30	HAWAII 5-0
6.00	NATIONAL EMTV (G) NEWS	5.29	EMTV NEWS BREAK			10.30	NATIONAL EMTV NEWS REPLAY
		5.30	HOME AND AWAY (G)			11.00	STATION CLOSE
6.30	A CURRENT AFFAIR (G)	6.00	NATIONAL EMTV NEWS			6.47	STATION OPEN
7.00	NEIGHBOURS (G)	6.30	A CURRENT AFFAIR (G)			7.00	BUSINESS SUNDAY
7.30	LOTTO DRAW (G)	7.00	NEIGHBOURS (G)			8.00	SUNDAY
7.35	FIZZ (G)	7.25	EMTV TOK SAVE (G)			10.00	INTER-STATE CRICKET
8.27	EM-TV TOK SAVE (G)	7.30	RUGBY LEAGUE			1.00	RUGBY SEVENS INTERNATIONAL
8.30	A DIFFERENT WORLD (G)		SEVENS INTERNATIONAL				
9.00	MARRIED WITH CHILDREN	10.00	EMTV TOK SAVE				
9.30	A COUNTRY PRACTICE (G)	10.03	PACIFIC GOLD VIDEO CLIP				
10.30	NATIONAL EM-TV NEWS REPLAY	10.08	RESCUE 911				
11.00	A CURRENT AFFAIRS (Replay)	11.00	NATIONAL EMTV NEWS REPLAY				
		11.30	A CURRENT AFFAIRS				



## PNG TOP TWENTY

AS AT 29/01/94

NO.	SONG	ARTIST
1 (1)	Em Ino Isi	Basil Greg
2 (2)	Chako Chako	Chaco Chaco
3 (5)	Misout Tam	Telek
4 (6)	Askere	Hollie Maia
5 (4)	Kir Ta Prove	Kokoratts
6 (3)	Swit Smile	V. Vibrations
7 (10)	Honiara	Basil Greg
8 (8)	Data Tut	Festalight
9 (7)	Rosie Lalokau	JT/Siule Hoods
10 (9)	No No Peren Pas	J. Boi/W. Ijau
11 (12)	Sutim Toktok	Barike
12 (11)	City Meri	Kanini Bros
13 (13)	Lukluk Tamavatur	Barike
14 (17)	Iau Rejected	Kopex
15 (15)	Bing Lur	Jr Devil Boys
16 (16)	No Compromise	M. Manimbi
17 (0)	Bolbol La Kiave	Emfo Band
18 (0)	Some People	Riot Squad
19 (14)	A Mistake Awa	Leonard Kania
20 (19)	Ijagome	Frank Pala

• Ratings based on requests on Radio Kalang and not cassette sales.

**ELA MOTORS - OL WIL BILONG NESEN**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.